



□ 12
2921
2



12
2921
2

豕

豕字

豕字

周禮卷六

豕字

豕字

去五味均平藏

豕字

冢宰治官之職

皇明 後學東吳葛 萬訂

漢大司農北海鄭 玄註

醢人掌四豆之實朝事之豆其實韭菹醢醢昌本麋藟菁菹鹿藟
菹菹麋藟

醢肉汁也昌本昌蒲根切之四寸為菹三藟亦醢也作醢及藟者必先膊乾其肉乃後莖之雜以梁麴及鹽漬以美酒塗置瓶中百日則成矣鄭司農云麋藟麋肝髓醢或曰麋藟醬也骨為藟無骨為醢菁菹韭菹鄭大夫讀菹為茅茅菹茅初生或曰菹水草杜子春讀菹為卯玄謂菁蔓菁也菹菹葵也凡菹醢皆以氣味相成其狀未聞○菹音久菹菹魚反醢吐感反藟乃兮

豕字

豕字

豕字

反菁作寧反茆音卯北人音柳麋京
倫反膊音博反莖倉臥反胥戶諫反

饋食之豆其實葵菹羸醢脾析麤醢麀蜚醢豚拍魚醢。

羸蜚蟪蜃大蛤蜚蟪子鄭司農云脾析牛百葉也麤蛤也鄭大夫杜子春皆以拍為膊謂脅也或曰豚拍肩也今河間各豚脅聲如銀縛○羸力禾反脾婢支反麤蒲佳反蜚市
軫反指音博蜚音移喻音掄蜚魚綺反膊音博

加豆之實芹菹兔醢淡蒲醢醢筍菹魚醢。

芹楚葵也鄭司農云淡蒲蒲蕝入水浸故曰淡蒲或曰淡蒲桑耳醢醢肉醬也筍水中魚衣故書鴈或為鶉杜子春云當為鴈玄謂淡蒲蒲始生水水中子筍箭萌筍
竹萌○筍音迨筍息尹反鶉音弱

羞豆之實醢食糝食。

鄭司農云醢食以酒醢為餅糝食菜餛蒸玄謂醢糝也內則曰取稻米舉搔溲之小切狼臠膏以與稻米為糝又曰糝取牛羊

豕之肉三如一、小切之、與稻米稻米二、肉一、合以為餌煎之、
醢食音嗣糝素感反糝之然反搔思柳反溲所柳反臠昌蜀反
一音

凡祭祀共薦羞之豆實。賓客喪紀亦如之。為王及后世子共其內羞。王舉則共醢六十壘。以五齊七醢七菹三鶩實之。

齊當為齋五齊昌本脾析蜃豚拍淡蒲也七醢醢羸麤蜚魚兔
鴈醢七菹韭菁菹葵芹筍筍菹三鶩麋鹿麋鶩也凡醢醬所和
細切為齋全物若臠為菹少儀曰麋鹿為菹野豕為軒皆臠而
不切麋為辟雞兔為宛脾皆臠而切之切葱若薤實之醢以柔
之由此言之則齋菹之稱菜肉通○為王于偽反齊子
西反下同臠直輒反少儀詩照反軒音獻辟必亦反

賓客之禮共醢五十壘。

致饗
餼時

凡事共醢。

醢人掌共五齊七菹。凡醢物以共祭祀之齊菹。凡醢醬之物。賓客亦如之。

齊菹醬屬醢人者皆須醢成味。齊子兮反下皆同。

王舉則共齊菹醢物六十甕。共后及世子之醬齊菹。賓客之禮共醢五十甕。凡事共醢。

鹽人掌鹽之政令。以共百事之鹽。

政令謂受人教所處置求者所當得。

祭祀共其苦鹽散鹽。

杜子春讀苦為鹽。謂出鹽直用。不凍治。鄭司農云散鹽凍治者。玄謂散鹽。鬻水為鹽。散悉但反凍音練鬻音煮。鹽音古。

賓客共其形鹽散鹽。

王之膳羞共飴鹽。后及世子亦如之。

飴鹽鹽之恬者。今戎鹽有焉。

凡齊事鬻鹽以待戒令。

齊事和五味之事。鬻鹽凍治之。齊才細反。

冢人掌共巾冢。

共巾可以覆物。冢莫歷反。

冢人

冢宰治官之職

三

冢

祭祀以疏布巾冪八尊

以疏布者天地之神尚質

以畫布巾冪六彝

宗廟可以文畫者畫其雲氣與

凡玉巾皆黼

四飲三酒皆畫黼周尚武其用文德則黻可

宮人掌王之六寢之脩

六寢者路寢一、小寢五、玉藻曰朝辨色始入君日出而現朝退適路寢聽政使人視大夫大夫退然後適小寢釋服是路寢以治事小寢以時燕息焉春秋書魯莊公薨于路寢僖公薨于小寢是則人君非一寢明矣○朝直廷反

爲其井匱除其不蠲去其惡臭

井漏井所以受水潦蠲猶潔也詩云古蠲爲饋鄭司農云匱路廁也玄謂匱豬謂雷下之池受畜水而流之者○匱於建反蠲古玄反去起呂反饋尺志反雷力救反畜救六反

共王之沐浴

沐浴所以自潔清

凡寢中之事埽除執燭共鑪炭凡勞事

勞事勞穢之事

四方之舍事亦如之

從適四方及會同所舍

周禮

卷六 冢宰治官之職

四

水滸堂

掌舍掌王之會同之舍設棊桓再重。

故書桓為柜鄭司農云棊棊桓也桓受居溜水涑夢者也杜子春讀為棊桓棊桓謂行馬玄謂行馬再重者以周衛有外內列○棊步禮反桓戶故反重直龍反柜音矩溜力救反涑色邁反

設軍宮棘門。

謂王行止宿阻險之處備非常次亦以為藩則仰車以其轅表門

為壇墮宮棘門。

謂王行止宿平地築壇又委墮土起墉埒以為宮鄭司農云棘門以戟為門杜子春云棘門或為材門○遺唯季反埒音劣

為帷宮設旌門。

謂王行晝止有所展肆若食息張帷為宮則樹旌以表門

無宮則共人門。

謂王行有所逢過若住遊觀陳列周衛則立長大之人以表門○觀工喚反

凡舍事則掌之。

王行所舍止

幕人掌帷幕幄帟綬之事。

王出宮則有是事在旁曰帷在上曰幕幕或在地展陳于上帷幕皆以布為之四合象宮室曰幄王所居之帳也鄭司農云帟平帳也綬組綬所以繫帷也玄謂帟主在幕若幄中坐上承塵幄帟皆以繒為之凡四物者以綬連繫焉○帟音亦

凡朝覲會同軍旅田役祭祀共其帷幕幄帟綬。

共之者掌次當以張

大喪共帷幕帝綬。

為賓客節也。帷以帷堂，或與幕張之於庭，帝在柩上。

三公及卿大夫之喪共其帟。

唯士無帟，王有惠則賜之。檀弓曰：君於士有賜帟。

掌次掌王次之灋以待張事。

灋，大小丈尺。

王大旅上帝則張氈案設皇邸。

大旅，上帝祭天於圓丘，國有故而祭亦曰旅。此以旅見祀也。張氈案，以氈為牀於幄中。鄭司農云：皇羽覆上邸，後版也。玄謂後版，屏風與染羽象鳳皇羽色以為之。○邸當禮反。

朝日祀五帝則張大次小次設重帟重案合諸侯亦如之。

朝日，春分拜日於東門之外，祀五帝於四郊次，謂幄也。大幄初往所止居也。小幄，謂接祭退俟之處。祭義曰：周人祭日以朝及闇，雖有強力，孰能支之，是以退俟，與諸臣代有事焉。合諸侯於壇，王亦以時休息，重帟，復帟，重案，牀重席也。鄭司農云：五帝，五色之帝。○朝直遙反。注：朝日同，重直龍反。注同。

師田則張幕設重帟重案。

不張幄者，於是臨誓。衆王或回顧占祭。

諸侯朝覲會同則張大次小次。

大次，亦初往所止居。小次，即宮待事之處。

師田則張幕設案。

鄭司農云師田謂諸侯相與師田也謂此掌次張之諸侯從王而師田者

孤卿有邦事則張幕設案

有邦事謂以事從王若以王命出也孤王之孤三人副三公論道者不言公公如諸侯禮從王祭祀合諸侯張大次小次師田亦張幕設案

凡喪王則張帟三重諸侯再重孤卿大夫不重

張帟柩上承塵

凡祭祀張其旅幕張尸次

旅衆也公卿以下卽位所祭祀之門外以待事爲之張大幕尸則有帳鄭司農云尸次祭祀之尸所居更衣帳○爲于僞反

射則張耦次

耦俱升射者次在洗東大射曰遂命三耦取弓矢于次

掌凡邦之張事

天府掌九貢九賦九功之貳以受其貨賄之入頒其貨于受藏之

府頒其賄于受用之府

九功謂九職也受藏之府若內府也受用之府若職內也凡貨賄皆藏以給用耳良者以給王之用其餘以給國之用或言受藏或言受用又雜言貨賄皆互文○藏才浪反注受藏同

凡官府都鄙之吏及執事者受財用焉

凡頒財以式灋授之關市之賦以待王之膳服邦中之賦以待賓

客四郊之賦以待稍秣家削之賦以待匪頒邦甸之賦以待工事

邦縣之賦以待幣帛。邦都之賦以待祭祀。山澤之賦以待喪紀。幣

餘之賦以待賜予。待猶給也。此九賦之財給九式者。膳服即羞服也。稍秣即芻秣也。謂之稍稍用之物也。喪紀即喪荒也。賜予即好用也。鄭司農云。幣餘使者有餘來還也。玄謂幣餘占賣國之斥幣。秣音未。好呼報反。下同。使色吏反。

凡邦國之貢以待弔用。此九貢之財所給也。給弔用。給凶禮之五事。

凡萬民之貢以充府庫。此九職之財充猶足。

凡式貢之餘財以共玩好之用。

凡邦之賦用取具焉。謂先給九式及弔用足府庫而有餘財乃可以共玩好。明玩好非治國之用。言式言貢互文。

歲終則以貨賄之入出會之。賦用。

玉府掌王之金玉玩好兵器。凡良貨賄之藏。良善也。此物皆武貢之餘財所作。其不良又有受而藏之者。好呼報反。藏才浪反。注同。

共王之服玉佩玉珠玉。佩玉者王之所帶者。玉藻曰。君子於玉比德焉。天子佩白玉而玄組紱。詩傳曰。佩玉上有蔥衡。下有雙璜。衡牙蠙珠。以納其間。鄭司農云。服玉冠飾。十二玉。蠙音頻。

王齊則共食玉

玉是陽精之純者食之以禦水氣鄭司農云王齊當食玉屑

大喪共含玉復衣裳角枕角衾

角枕以枕尸鄭司農云復招魂也衣裳生時服招魂復魄于太廟至四郊角衾角七也以楔齒士喪禮曰楔齒用角衾楔齒者令可飯含玄謂復於四郊以緘○含戶暗反楔先結反令力呈反飯扶晚反

掌王之燕衣服衽席牀第凡裘器

燕衣服者巾絮寢衣袍釋之屬皆良貨賄所成第箒也鄭司農云衽席單席也裘器清器虎子之屬○衽而甚反箒側美反釋劉音澤寶音賈

若合諸侯則共珠槃玉敦

敦槃類珠玉以為飾古者以槃盛血以敦盛食合諸侯者必割牛耳取其血歃之以盟珠槃以盛牛耳尸盟者執之故書珠為夷鄭司農云夷槃或為珠槃玉敦歃血玉器○敦音對徐丁雷反盛音成歃色洽反

凡王之獻金玉兵器文織良貨賄之物受而藏之

謂百工為王所作可以獻遺諸侯古者致物於人尊之則曰獻通行曰饋春秋曰齊侯來獻戎捷尊魯也文織畫及繡錦○織音志為于偽反遺唯季反

凡王的好賜共其貨賄

內府掌受九貢九賦九功之貨賄良兵良器以待邦之大用

大用朝覲之頒賜

凡四方之幣獻之金玉齒革兵器凡良貨賄入焉

諸侯朝聘所獻國珍

凡適四方使者共其所受之物而奉之。

王所以遺諸侯者。使所吏反。

凡王及冢宰之好賜予則共之。

冢宰待四方賓客之小治。或有所善亦賜予之。

外府掌邦布之入出以共百物而待邦之用凡有灋者。

布泉也。布讀為宣。布之布其藏曰泉。其行曰布。取名於水泉。其流行無不徧入。出謂受之復出之。共百物者。或作之。或買之。待猶給也。有法。百官之公用也。泉始蓋一品。周景王鑄大泉而有二品。後數變易。不復識本制。至漢惟有五銖。久行。王莽改貨。而異作泉布。多至十品。今存於民間多者有貨布。大泉。貨泉。貨布。長二尺五寸。廣寸。首長八分。有奇。廣八分。其圓好徑二分半。足。

枝長八分。其右文曰貨。左文曰布。重二十五銖。直貨泉二十五。大泉徑一寸二分。重十二銖。文曰大泉。直十五貨泉。貨泉徑一寸。重五銖。右文曰貨。左文曰泉。直一也。○數音朔。奇。絕宜反。

共王及后世子之衣服之用。凡祭祀賓客喪紀會同軍旅共其財用之幣。齋賜予之財用。

齋行道之財用也。聘禮曰。問幾月之齋。鄭司農云。齋或為資。今禮家定齋作資。玄謂齋資同耳。其字以齊次為聲。從具。變易古字亦多或。○齋音咨。

凡邦之小用皆受焉。

歲終則會。唯王及后之服不會。

皆來受。

冢宰治官之職

天官

司會掌邦之六典八灋八則之貳以逆邦國都鄙官府之治

逆受而
鉤考之

以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計

郊四郊去國百里野甸稍也甸去國二百里稍三百里縣四百里都五百里書謂簿書契其最凡也版戶籍也圖土地形象田地廣狹

以參互攷日成以月要攷月成以歲會攷歲成

參互謂司書之要貳與職內之入職歲之出故書互為巨杜子春讀為參互○攷音考

以周知四國之治以詔王及冢宰廢置

周猶徧也言四國者本逆邦國之治亦鉤考以告

周禮卷六

冢宰治官之職

二

冢宰

司書掌邦之六典八灋八則九職九正九事邦中之版土地之圖
 以周知入出百物以敘其財受其幣使人于職幣
 漢大司農北海鄭玄註
 皇明後學東吳金蟠訂

周禮卷七

漢大司農北海鄭玄註

皇明後學東吳金蟠訂

冢宰治官之職

司書掌邦之六典八灋八則九職九正九事邦中之版土地之圖以周知入出百物以敘其財受其幣使人于職幣

九正謂九賦九貢正稅也九事謂九式變言之者重其職明本而掌之非徒相副貳也敘猶比次也謂鈎考其財幣所給及其餘見為之簿書故書受為授鄭司農云授當為受謂受財幣之簿書也玄謂亦受錄其餘幣而為之簿書使之入于職幣幣物當以時用之久藏將朽蠹○正音征注同此毗志反見賢遍反

周禮

卷七 冢宰治官之職

禮部

凡上之用財用必攷于司會。

上謂王與冢宰王雖不會亦當知多少而關之司會以九式均節邦之財用

三歲則大計羣吏之治以知民之財器械之數以知田野夫家六

畜之數以知山林川澤之數以逆羣吏之徵令。

械猶兵也逆受而鉤考之山林川澤童則不稅○畜許又反

凡稅斂掌事者受灋焉及事成則入要貳焉。

灋猶數也應當稅者之數成猶畢也

凡邦治攷焉。

考其灋於司書

職內掌邦之賦人辨其財用之物而執其總以貳官府都鄙之入之數以逆邦國之賦用。

辨財用之物處之使種類相從總謂簿書之種別與大凡官府之有財入若關市之屬

凡受財者受其貳令而書之。

受財受於職內以給公用者貳令者謂若今御史所寫下本奏所可者書之若言某月某日某甲詔書出某物若干給某官某事○寫戶嫁反

及會以逆職歲與官府財用之出。

亦參五鉤考之

而叙其財以待邦之移用。

亦鈞考今藏中餘見為之簿移用謂轉運給他○藏才浪反

職歲掌邦之賦出以貳官府都鄙之財出賜之數以待會計而攷之

以貳者亦如職內書其貳令而編存之

凡官府都鄙羣吏之出財用受式灋于職歲

百官之公用式灋多少職歲掌出之舊用事存焉

凡上之賜予以敘與職幣授之

敘受賜者之尊卑

及會以式灋替逆會

助司會鈞考羣吏之計

職幣掌式灋以敘官府都鄙與凡用邦財者之幣

幣謂給公用之餘凡用邦財者謂軍旅

振掌事者之餘財

振猶拊也檢也掌事謂以王命有所作為先言敘幣後言振財互之○拊音拯

皆辨其物而奠其錄以書揭之以詔上之小用賜予

奠定也故書錄為祿杜子春云祿當為錄定其錄籍鄭司農云揭之若今時為書以著其幣○揭其列反著直略反

歲終則會其出

凡邦之會事以式灋替之

司禮

卷七 冢宰治官之職

三

禮記

司裘掌為大裘以共王祀天之服。

鄭司農云大裘黑羔裘服以祀天示質

中秋獻良裘王乃行羽物。

良善也中秋鳥獸進毳因其良時而用之鄭司農云良裘王所服也行羽物以羽物飛鳥賜羣吏玄謂良裘玉藻所謂黼裘與此羽物小鳥鷦鷯之屬鷹所擊者中秋鳩化為鷹中春鷹化為鳩鳩順其始殺與其將止而大班羽物○中音仲注同進音毛毳先典反鷦音涼

季秋獻功裘以待頒賜。

功裘人功微麤謂狐青麤裘之屬鄭司農云功裘卿大夫所服○麤音迷

王大射則共虎侯熊侯豹侯設其鵠諸侯則共熊侯豹侯卿大夫

則共麋侯皆設其鵠。

大射者為祭祀射王將有郊廟之事以射擇諸侯及羣臣與邦國所貢之士可以與祭者射者可以觀德行其容體比於禮其節比於樂而中多者得與於祭諸侯謂三公及王子弟封於畿內者卿大夫亦皆有采地焉其將祀其先祖亦與羣臣射以擇之凡大射各於其射官侯者其所射也以虎熊豹麋之皮飾其側又方制之以為臯謂之鵠著于侯中所謂皮侯王之射虎侯王所自射也熊侯諸侯所射豹侯卿大夫以下所射諸侯之大射熊侯諸侯所自射射侯羣臣所射卿大夫之大射麋侯君臣共射焉凡此侯道虎九十弓熊七十弓豹麋五十弓列國之諸侯大射大侯亦九十參七十華五十遠尊得伸可同耳所射正謂之侯者天子中之則能服諸侯諸侯以下中之則得為諸侯鄭司農云鵠鵠毛也方十尺曰侯四尺曰鵠二尺曰正四寸曰質玄謂侯中之大小取數於侯道鄉射記曰弓二寸以為侯中則九十弓者侯中廣丈八尺七十弓者侯中廣丈四尺五十弓者侯中廣一丈尊卑異等此數明矣考工記曰梓入為侯廣與崇方參分其廣而鵠居一焉然則侯中丈八尺者鵠方六尺

之。
版謂宮中閭寺之屬及其子弟錄籍也。圖王及后世子之宮中吏官府之形象也。政令謂施閭寺者稍食吏祿稟也。人民史子弟分之使眾者。就寡均宿衛。

以陰禮教六宮。

鄭司農云陰禮婦人之禮。六宮後五前一王之妃百二十人。后一人。夫人三人。嬪九人。世婦二十七人。女御八十一人。玄謂六宮謂后也。婦人稱寢曰宮。宮隱蔽之言。后象王立六宮而居之。亦正寢一燕寢五教者。不敢斥言之。謂之六宮。若今稱皇后為中宮矣。昏禮毋戒女曰夙夜毋違宮事。

以陰禮教九嬪。

教以婦人之禮。不言教。夫人世婦者舉中省文。

以婦職之灋教九御。使各有屬以作二事。正其服。禁其奇袤。展其功緒。

婦職謂織紵組紃縫線之事。九御女御也。九九而御于王。因以號焉。使之九九為屬。同時御。又同事也。王其服。止踰後。奇袤若今媚道。展猶錄也。絀業也。故書二為三。杜子春云當為二。二事謂絲枲之事。○表似嗟反。本亦作邪。紵女金反。紵似倫反。

大祭祀后裸獻則贊。瑤爵亦如之。

謂祭宗廟。王既裸而出。迎牲。后乃從。後裸也。祭統曰。君執圭贊。裸尸。大宗執璋瓚。亞裸。此大宗亞裸。謂夫人不與而攝耳。獻謂王薦腥。薦孰。后亦從。後獻也。瑤爵。謂尸卒食。王既酌尸。后亞獻之。其爵以瑤為飾。○裸古亂反。與音預。酌士新反。

正后之服位。而詔其禮樂之儀。

薦徹之禮。當與樂相應位。謂房中戶內及阼所立處。

贊九嬪之禮事

助九嬪贊后之事九嬪者贊后薦玉盞薦徹豆籩。盞音咨。

凡賓客之裸獻瑶爵皆贊

謂王同姓及二王之後來朝覲為賓客者裸之禮。亞王而禮賓獻謂王饗燕。亞王獻賓也。瑶爵所以亞王酬賓也。坊記曰陽侯殺穆侯而竊其夫人。故大饗廢夫人之禮。

致后之賓客之禮

謂諸侯來朝覲及女賓之賓客。

凡喪事佐后使治外內命婦正其服位

使使其屬之上士內命婦。謂九嬪世婦。女御。鄭司農云外命婦。卿大夫之妻。王命其夫。后命其婦。玄謂士妻亦為命婦。

凡建國佐后立市設其次置其敘正其肆陳其貨賄出其度量淳

制祭之以陰禮

市朝者君所以建國也。建國者必面朝後市。王立朝而后立市。陰陽相承之義。次司次也。叙介次也。陳猶處也。度丈尺也。量豆區之屬。鄭司農云佐后立市者始立市后立之也。祭之以陰禮者市中之社先后所立社也。故書淳為敦。杜子春讀敦為純。純謂幅廣也。制謂匹長。玄謂純制天子巡守禮所云制幣丈八尺。純四狶與陰禮婦人之祭禮。朝直遙反。純諸允反。狶音紙。

中春詔后帥外內命婦始蠶于北郊以為祭服

蠶于北郊婦人以純陰為尊郊必有公桑蠶室焉。中音仲。

歲終則會內人之稍食稽其功事

內人主謂九御。

佐后而受獻功者。比其小大。與其麤良。而賞罰之。

獻功者。九御之屬。鄭司農云。烝而獻功。玄謂典婦功。曰及秋獻功。

會內宮之財用。

計夫人以下所用財。

正歲均其稍食。施其功事。憲禁令于王之北宮。而糾其守。

均。猶調度也。施。猶賦也。北宮。后之六宮。謂之北宮者。繫于王言之。明用王之禁令。令之守宿衛者。○調。徒。弔。反。度。待。洛。反。

上春。詔王后帥六宮之人。而生種。種之。種而獻之于王。

六宮之人。夫人以下。分居后之六宮者。古者使后宮藏種。以其有傳類蕃孳之祥。必生而獻之。示能育之。使不傷敗。且以佐王耕事。共禱郊也。鄭司農云。先種後孰。謂之種。後種先孰。謂之種。王當以耕種于藉田。玄謂詩云。黍稷種種是也。夫人以下分居。

后之六宮者。每宮九嬪一人。世婦三人。女御九人。其餘九嬪三人。世婦九人。女御二十七人。從后唯其所燕息焉。從后者。五日而沐浴。其次又上。十五日而徧云。夫人如三公。從容論婦禮。○種。直龍反。種音大。種章勇反。

內小臣掌王后之命。正其服位。

命。謂使令所為。或言王后。或言后通耳。○令。力。呈。反。

后出入則前驅。

之道。

若有祭祀賓客喪紀。則擯。詔后之禮事。相九嬪之禮事。正內人之禮事。徹后之俎。

擯。為后傳辭。有所求為。詔相正者。異尊卑也。俎。謂后受尸之爵。飲于房中之俎。○相。息亮反。注同。為后于僞反。

周禮

卷七

冢宰治官之職

八

禮記

后有好事于四方。則使往。有好令於卿大夫。則亦如之。

后於其族親所善者使往問遺之。○好呼報反遺唯季反

掌王之陰事陰令。

陰事羣妃御見之事。若今掖庭令。晝漏不盡八刻日錄所記推當御見者。陰令王所求為於北宮。○見賢遍反

闔人掌守王宮之中門之禁。

中門於外內為中。若今宮闔門。鄭司農云。王有五門。外曰臯門。二曰雉門。三曰庫門。四曰應門。五曰路門。路門。一曰畢門。玄謂雉門。三門也。春秋傳曰。雉門災。及兩觀。○觀古亂反。

喪服凶器不入宮。潛服賊器不入宮。奇服怪民不入宮。

喪服衰經也。凶器明器也。潛服若裘甲者。賊器盜賊。任器兵物皆有刻識奇服。衣非常。春秋傳曰。龍奇無常。怪民狂易。○衰

徐音崔識式志反。尤士江反。易以豉反。

凡內人公器賓客無帥。則幾其出入。

三者之出入當須使者符節。乃行。鄭司農云。公器將持公家器出入者。幾謂無將帥引之者。則苛其出入。○帥色類反。注同使。色吏反。將帥子匠反。

以時啓閉。

時漏盡。

凡外內命夫命婦出入。則為之門。

辟行人使無干也。內命夫。卿大夫士之在宮中者。○為干偽反。門本又作辟。

掌埽門庭。

司禮

卷七 冢宰治官之職

九

承襲

門庭門相當之地。○歸素報反。

大祭祀喪紀之事設門燎。踞宮門廟門。

燎地燭也。蹕止行者。廟在中門之外。

凡賓客亦如之。

寺人掌王之內人及女宮之戒令。相道其出入之事而糾之。

內入女御也。女宮刑女之在宮中者。糾猶督察也。○相息亮反。道徒報反。後同。

若有喪紀賓客祭祀之事則帥女宮而致于有司。

有司謂官卿世婦。

佐世婦治禮事。

世婦二十七世婦。

掌內人之禁令。凡內人弔臨于外則帥而往。立于其前而詔相之。

從世婦所弔。若哭其族親。立其前者。賤也。賤而必詔相之者。出入於王宮。不可以闕於禮。

內豎掌內外之通令。凡小事。

內后六宮外。卿大夫也。使童豎通王內外之命。給小事者。以其無與為禮。出入便疾。內外以大事聞王。則俟朝而自復。○朝直。

遙反。

若有祭祀賓客喪紀之事則為內人蹕。

內人從世婦有事於廟者。內豎為六宮蹕者。以其掌內小事。○為于僞反。

王后之喪遷于宮中。則前蹕及葬。執褻器以從。遣車。

喪遷者將葬朝于廟。蕤器振節頰。沐之器。○遣棄戰反頰呼內反。

九嬪掌婦學之灋。以教九御。婦德。婦言。婦容。婦功。各帥其屬。而以時御叙于王所。

婦德謂貞順。婦言謂辭令。婦容謂婉婉。婦功謂絲枲。自九嬪以下。九九而御於王所。九嬪者既習於四事。又備於從人之道。是以教女御也。教各帥其屬者。使亦九九相與從於王所。息之燕寢御。猶進也。勸也。進勸王息。亦相次叙。凡羣妃御見之法。月與后妃其象也。卑者宜先。尊者宜後。女御八十一人。當九夕。世婦二十七人。當三夕。九嬪九人。當一夕。三夫人當一夕。后當一夕。亦十五日而徧云。自聖後反之。孔子云。日者天之明月者地之理。陰契制。故月主屬為天。使婦從夫。放月紀。○婉音晚。見賢遍反。月上時掌反。放方往反。

凡祭祀。贊玉盥。贊后薦。徹豆籩。

玉齋。玉敦。受黍稷器。后進之而不徹。故書玉為王。杜子春讀為玉。○盥音谷。敦音對。

若有賓客則從后。

當贊后事。

大喪。帥叙哭者亦如之。

亦從后帥。猶道也。后哭之。衆次叙者乃哭。

周禮卷七終

周禮

卷七 冢宰治官之職

七

承襲堂

周禮卷八
冢宰治官之職
一
二

冢宰治官之職
大司農北海鄭玄註
皇明後學東吳葛藹訂

周禮卷八

大司農北海鄭玄註

皇明後學東吳葛藹訂

冢宰治官之職

世婦掌祭祀賓客喪紀之事帥女宮而濯概為齋盛。

概拭也為櫛差釋。○概古愛反拭音式。

及祭之日涖陳女宮之具凡內羞之物。

涖者臨也內羞謂房中之羞。

掌畢臨于卿大夫之喪。

冢宰治官之職
一
冢宰治官之職
一
冢宰治官之職
一

周禮

王使往吊

女御掌御叙于王之燕寢。

言掌御叙防土之專婦者于王之燕寢則王不就后宮息。

以歲時獻功事。

絲泉成功之事。

凡祭祀贊世婦。

助其師治女宮。

大喪掌沐浴。

王及后之喪。

禮記

十一

后之喪持髮。

髮棺飾也持而從柩車○髮所甲反。

從世婦而弔于卿大夫之喪。

從之數蓋如使者之介云○使所吏反。

女祝掌王后之內祭祀凡內禱祠之事。

內祭祀六宮之中竈門戶禱疾病求瘳也祠報福。

掌以時招梗禴禳之事以除疾殃。

鄭大夫讀梗為亢謂招善而亢惡去之杜子春讀梗為更玄謂梗禦未至也除災害曰禴禴猶刮去也卻變異曰禴禴也四禮哇禴其遺象今存○禴古外反禴如羊反去起呂反。

周禮

冢宰治官之職

七

禮記

周禮 卷八 女史掌王后之禮職掌內治之貳以詔后治內政。

內治之法本在內宰書而貳之。

逆內宮。

鉤考六宮之訖。

書內令。

后之令。

凡后之事以禮從。

亦如大史之從於王。

典婦功掌婦式之灋以授嬪婦及內人女功之事齋。

婦式婦人事之模範灋其用財舊數嬪婦九嬪世婦言及以殊之者容國中婦人贊善工於事者事齋謂以女功之事來取絲枲故書齋為資杜子春讀為資鄭司農云內人謂女御女功事資謂女功絲枲之事○齋音咨

凡授嬪婦功及秋獻功辨其苦良比其小大而賈之物書而楬之。

授當為受聲之誤也國中嬪婦所作成即送之不須獻功時賈之者物不正齊當以泉計通功鄭司農苦讀為監謂分別其絲帛與布紵之麗細皆比方其大小書其賈數而著其物若今時題署物。

以共王及后之用頒之于內府。

典絲掌絲入而辨其物以其賈楬之。

絲入謂九職之嬪婦所貢絲。

掌其藏與其出以待興功之時。

司禮

卷八 冢宰治官之職

三

承襲堂

絲之貢少藏之出之可同官也時者若溫煖宜縑帛清涼宜文繡

頒絲于外內工皆以物授之

外工外嬪婦也內工女御

凡上之賜予亦如之

王以絲物賜人

及獻功則受良功而藏之辨其物而書其數以待有司之政令上

之賜予

良當為苦字之誤受其寵鹽之功以給有司之公用其良功者典婦功受之以共王及后之用鄭司農云良功絲功縑帛○良音苦出注

凡祭祀共黼畫組就之物

以給衣服冕旒及依黼巾之屬白與黑謂之黼采色一成曰就○依於豈反

喪紀共其絲續組文之物

以給線縷著肝口基握之屬青與赤謂之文○續音曠著直略反肝香于反

凡飾邦器者受文織絲組焉

謂茵席屏風之屬○織音志茵音因

歲終則各以其物會之

種別為計鄭司農云各以其所飾之物計會傳著之○傳音附

典臬掌布總縷紵之麻草之物以待時頒功而授齋

司農

卷八 冢宰治官之職

四

承襲堂

總十五升布，抽其半者，白而細疏曰紵。雜言此數物者，以著其類，衆多草葛藟之屬，故書齋作資。○藟若迥反，劉枯榮反。

及獻功受苦功以其賈褐而藏之，以待時頒。

其良功亦入於典，婦功以共王及后之用。鄭司農云：苦功，謂麻功布紵。○苦音古。

頒衣服授之，賜予亦如之。

授之，授受班者，帛言待有司之政令，布言班衣服，互文。

歲終則各以其物會之。

內司服掌王后之六服：禕衣、揄狄、闕狄、鞠衣、展衣、緣衣、素沙。

鄭司農云：禕衣，畫衣也。祭統曰：君卷冕立于阼，夫人副禕立于東房，揄狄闕狄畫羽飾展衣，白衣也。喪大記曰：復者朝服，君以卷夫人以屏狄，世婦以禮衣，屈者音聲與闕相似，禮與展相似。皆婦人之服，鞠衣黃衣也，素沙赤衣也。玄謂狄當為翟，翟雉名。

伊維而南，素質五色，皆備成章曰翟。江淮而南，青質五色，皆備成章曰翟。王后之服，刻繒為之，形而采畫之，綴於衣以為文章。禕衣，畫翟者，揄翟，畫繒者，闕翟，刻而不畫。此三者皆祭服。從王祭先王，則服禕衣；祭先公，則服揄翟；祭羣小祀，則服闕翟。今世有圭衣者，蓋三翟之遺俗。鞠衣，黃桑服也。色如鞠，摩象桑葉始生，月令三月薦鞠衣于先帝，告桑事，展衣以禮見王及賓客之服。字當為禮，禮之言禮，禮也。詩國風曰：玼兮玼兮，其之翟也。下云胡然而天也，胡然而帝也，言其德當神明，又曰：璫兮璫兮，其之展也。下云展如之人兮，邦之媛也，言其行配君子，二者之義與禮合矣。雜記曰：夫人服稅衣，揄狄又喪大記曰：士妻以禕衣，言禕者，甚衆，字或作稅。此緣衣者，實作禕衣也。禕衣，御于王之服，亦以燕居。男子之禕衣黑，則是亦黑也。六服備於此矣。禕揄狄，展聲相近，緣字之誤也。以下推次其色，則闕狄亦揄狄，青禕衣，玄婦人尚專一德，無所兼連，衣裳不異其色，素沙者，今之白縹也。六服皆袍制，以白縹為裏，使之張顯。今世有沙縹者，各出于此。○禕音暉，揄音遙，緣吐亂反，卷古本反，朝直遙反，禮張彥反，翟音暉，見王賢，遍反，宣丹但反，玼音此，本亦作璫，會我反，行下孟反，稅吐亂反，縹劉音縹。

辨外內命婦之服。鞠衣。展衣。緣衣。素沙。

內命婦之服。鞠衣。九嬪也。展衣。世婦也。緣衣。女御也。外命婦者。其夫孤也。則服鞠衣。其夫卿大夫也。則服展衣。其夫士也。則服緣衣。三夫人及公之妻。其闕狄以下。平侯伯之夫人。揄狄。子男之夫人。亦闕狄。唯二王後禕衣。

凡祭祀賓客。共后之衣服。及九嬪世婦。凡命婦。共其衣服。共喪衰亦如之。

凡者。凡女御與外命婦也。言及言。凡。殊貴賤也。春秋之義。王人雖微者。猶序乎諸侯之上。所以尊尊也。臣之命者。再命以工受服。則下士之妻不共也。外命婦。唯王祭祀賓客。以禮佐后。得服此。上服自於其家。則降焉。○衰。七雷反。上時掌反。

后之喪。共其衣服。凡內具之物。

內具。紛。脫。線。纁。鞶。褱。之屬。○脫。如鏡反。徐音。歲。鞶。步。于反。褱。陳乙反。

縫人掌王宮之縫線之事。以役女御。以縫王及后之衣服。

女御。裁縫王及后之衣服。則為役助之官。中。餘裁縫事。則專為焉。鄭司農云。線。縷也。

喪縫棺飾焉。

孝子既啓見棺。猶見親之身。既載飾而以行。遂以葬。若存時。居于帷幕。而加文繡。喪大記曰。飾棺。君龍帷。二池。振容。黼荒。火。二列。黻。三列。素錦。楮。加偽荒。纁。紐。六齊。五采。五貝。黼。翼。二。黻。翼。二。畫。翼。二。皆戴圭。魚。躍。拂。池。君纁。戴六。纁。披六。此諸侯禮也。禮器曰。天子八翼。諸侯六翼。大夫四翼。漢禮器制度。飾棺。天子龍火。黼。黻。皆五列。又有龍翼。二。其戴皆加璧。故書焉。為馬。杜子春云。當為焉。○翼。本又作。筭。所甲反。披。彼。偽。反。

衣翼柳之材。

必先纏衣其木。乃以張飾也。柳之言聚。諸飾之所聚。書曰。分命和仲。度西曰。柳。穀。故書翼柳。作接。擯。鄭司農云。接。讀為。躍。擯。讀。

司禮

卷八

冢宰治官之職

六

承慶堂

為柳皆棺飾檀弓曰周人牆置髮春秋傳曰四蹕不蹕○衣於既反注同度西音宅古文宅與度字相似接擯上所甲反下音柳蹕所甲反

掌凡內之縫事

染人掌染絲帛凡染春暴練夏纁玄秋染夏冬獻功

暴練練其素而暴之故書纁作黛鄭司農云黛讀當為纁纁謂絳也夏大也秋乃大染玄謂纁玄者謂始可以染此色者玄纁者天地之色以為祭服石染當及盛暑熱潤始湛研之三月而後可用考工記鍾氏則染纁術也染玄則史傳闕矣染夏者染五色謂之夏者其色以夏狄為飾禹貢曰羽畎夏狄是其總名其類有六曰鬣曰搖曰鳧曰留曰希曰蹲其毛羽五色皆備成章染者擬以為深淺之度是以放而取名焉○暴步十反夏戶雅反後除春夏之字皆同可以意求黛音勳湛子廉反吠古犬反鳧直劉反劉音壽放方往反

掌凡染事

追師掌王后之首服為副編次追衡笄為九嬪及外內命婦之首

服以待祭祀賓客

鄭司農云追冠名士冠禮記曰委貌周道也章甫殷道也牟追夏后氏之道也追師掌冠冕之官故并主王后之首服副者婦人之首服祭統曰君卷冕立于阼夫人副禕立於東房衡維持冠者春秋傳曰衡紘紘紘玄謂副之言覆所以覆首為之飾其遺象若今假紘矣服之以桑也次第髮長短為之所謂髮髻服之以見王王后之燕居亦纏笄總而已追猶汔也詩云追琢其章王后之衡笄皆以玉為之唯祭服有衡垂于副之兩旁當耳其下以紘縣瑱詩云玼兮玼兮其之翟也鬢髮如雲不屑鬢也王之瑱也是之謂也笄卷髮者外內命婦衣鞠衣覆衣者服絺衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮鬢衣移袂特牲饋食禮曰主婦纁

笄宵衣是也昏禮女次純衣攝盛服耳主人爵弁以迎移袂祿衣之袂凡諸侯夫人於其國衣服與王后同○追丁回反冠禮古亂反卷古本反統丁敢反絃音宏緹以然反籜以招反紒音計髮皮寄反髡本又作髡大計反以見賢遍反經所買反又所綺反縣音玄瑱宅見反鬢之忍反鬻大計反卷髮眷免反衣鞞於既反下衣祿同

喪紀共笄經亦如之

屨人掌王及后之服屨為赤烏黑烏赤纁黃纁青句素屨葛屨

屨自明矣必連言服者著服各有屨也復下曰烏禪下曰屨古人言屨以通於履今世言屨以通於禪俗易語反與烏屨有絢有纁有純者節也鄭司農云赤纁黃纁以赤黃之絲為下綠士喪禮曰夏葛屨冬皮屨皆纁緇純禮家說纁亦謂以采絲縹其下玄謂凡屨烏各象其裳之色土冠禮曰玄端黑屨青絢纁純素積白屨緇絢纁純爵弁纁屨黑絢纁純是也王吉服有九烏有三等赤烏為上冕服之烏詩云王錫韓侯玄衮赤烏則諸侯與王同下有白烏黑烏王后吉服六唯祭服有烏玄烏為上禪

衣之烏也下有青烏赤烏鞞衣以下皆屨耳句當為絢聲之誤也絢纁純者同色今云赤纁黃纁青絢雜五言之明烏屨衆多反覆以見之凡烏之節如績之次赤纁者王黑烏之節黃纁者王后玄烏之節青絢者王白烏之節言纁必有絢純言絢亦有纁純三者相將三及后之赤烏皆黑節后之青烏白節凡屨之節如繡次也黃屨白節白屨黑節黑屨青節絢謂之拘著烏屨之頭以為行戒纁縫中紉純緣也天子諸侯吉事皆烏其餘唯服冕衣翟著烏耳士爵弁纁屨黑絢纁純尊祭服之屨節從纁也素屨者非純吉有凶去節者言葛屨明有用皮時○纁於力反句音劬著服知略反絢音劬有純章允反緣悅面反磔音歷覆芳服反以見賢遍反著烏知略反細音巡衣翟於既反

辨外內命夫命婦之命屨功屨散屨

命夫之命屨纁屨命婦之命屨黃屨以下功屨次命屨於孤卿大夫則白屨黑屨九嬪內子亦然世婦命婦以黑屨為功屨女御士妻命屨而已士及士妻謂再命受服者散屨亦謂去節○散素但反

凡四時之祭祀以宜服之。

祭祀而有素履散履者唯大祥時

夏采大喪以冕服復于大祖以乘車建綏復于四郊。

求之王平生常所有事之處乘車玉路於大廟以冕服不出宮也四郊以綏出國門此行道也鄭司農云復謂始死招魂復魄士喪禮曰士死于適室復者一人以爵弁服升自東祭中屋北面招以衣曰臯某復三降衣于前受用篋升自阼階以衣尸喪大記曰復男子稱名婦人稱字唯哭先復言死而哭哭而復奠其復反故檀弓曰復盡愛之道也望反諸幽求諸鬼神之道也北面求諸幽之義也檀弓又曰君復於小寢大寢小祖大祖庫門四郊喪大記又曰復者朝服君以卷夫人以屈狄大夫以玄纁世婦以禭衣士以爵弁士妻以稅衣雜記曰諸侯行而死於館則其復如於其國如於道則升其乘車之左轂以其綏復大夫死於館則其復如於家死於道則升其乘車之左轂以其綏復喪大記又曰為賓則公館復私館不復夏采天子之官故以

冕服復于大祖以乘車建綏復于四郊天子之禮也大祖始祖廟也故書綏為纁杜子春云當為綏纁非是也玄謂明堂位曰凡四代之服器魯兼用之有虞氏之旂夏后氏之綏則旂旂有是綏者當作綏字之誤也綏以旄牛尾為之綴於幢上所謂注旄於于首者王祀四郊乘玉路建大常今以之復去其旂異之於生亦因先王有徒綏者士冠禮及玉藻冠綏之字故書亦多作綏者今禮家定作纁○乘繩證反注乘車皆同綏作綏誤作綏耳適丁歷反衣尸於既反復扶又反朝直遙反卷古本反纁勅貞反纁音維幢直江反

周禮卷八

禮

冢宰治官之職

七

禮

惟王建國辨方正位體國經野設官分職以為民極乃立地官司
 徒使帥其屬而掌邦教以佐王安擾邦國
 教所以親百姓訓五品有虞氏五而
 周十有二焉擾亦安也言饒衍之
 教官之屬大司徒卿一人小司徒中大夫二人鄉師下大夫四人
 上士八人中士十有六人旅下士三十有二人府六人史十有二
 人書十有二人

周禮卷九

惟王建國辨方正位體國經野設官分職以為民極乃立地官司
 徒使帥其屬而掌邦教以佐王安擾邦國

漢大司農北海鄭玄註

皇明後學東吳金蟠訂

地官司徒第二

惟王建國辨方正位體國經野設官分職以為民極乃立地官司
 徒使帥其屬而掌邦教以佐王安擾邦國

教所以親百姓訓五品有虞氏五而周十有二焉擾亦安也言饒衍之

教官之屬大司徒卿一人小司徒中大夫二人鄉師下大夫四人
 上士八人中士十有六人旅下士三十有二人府六人史十有二

周禮

卷九 司徒教官之屬

一

辰震堂

人胥十有二人徒百有二十人

師長也司徒掌六鄉鄉師分而治之二人者共三鄉之事相左右也○長丁丈反

鄉老二鄉則公一人鄉大夫每鄉卿一人州長每州中大夫一人

黨正每黨下大夫一人族師每族上士一人閭胥每閭中士一人

比長五家下士一人

老尊稱也王置六鄉則公有三人也三公者內與王論道中參六官之事外與六鄉之教其要為民是以屬之鄉焉州黨族閭比鄉之屬別正師胥皆長也正之言政也師之言帥也胥有才知之稱載師職日以官田牛田賞田牧田任遠郊之地司勳職日掌六鄉之賞地六鄉地在遠郊之內則居四同鄭司農云百里內為六鄉外為六遂○比毗志反為民于偽反帥所類反

封人中士四人下士八人府二人史四人胥六人徒六十人

聚土曰封謂壘埴埴及小封疆也○埴音眉埴音劣疆居良反

鼓人中士六人府二人史二人徒二十人

舞師下士二人胥四人舞徒四十人

舞徒給繇役能舞者以為之○繇音遙

牧人下士六人府一人史二人徒六十人

牧人養牲於野田者詩云爾牧來思何蓂何笠或負其餼三十維物爾牲則具○何胡可反上素木反笠音立餼音侯

牛人中士二人下士四人府二人史四人胥二十人徒二百人

主牧公家之牛者詩云誰謂爾無牛九十其犉犉者九十其餘多矣○犉而純反

充人下士二人史二人胥四人徒四十人

克猶肥也養繫牲而肥之

載師上士二人中士四人府二人史四人胥六人徒六十人

載之言事也事民而稅之禹貢曰冀州既載載師者閭師縣師遺人均人官之長

閭師中士二人史二人徒二十人

主徵六鄉賦貢之稅者鄉官有州黨族閭比正言閭者徵民之稅宜督其親民者凡其賦貢入大府穀入倉人

縣師上士二人中士四人府二人史四人胥八人徒八十人

主天下土地人民已下之數徵野賦貢也名曰縣師者自六鄉以至邦國縣居中焉鄭司農云四百里曰縣

遺人中士二人下士四人府二人史四人胥四人徒四十人

鄭司農云遺讀如詩曰棄予如遺之遺玄謂以物有所饋遺○遺維季反注同

均人中士二人下士四人府二人史四人胥四人徒四十人

均猶平也主平土地之力政者

師氏中大夫一人上士二人府二人史二人胥十有二人徒百有

二十人

師教人以道者之稱也保氏司諫司救官之長鄭司農云詩云橋維師氏○橋俱禹反

保氏下大夫一人中士二人府二人史二人胥六人徒六十人

保安也以道安人者也書敎曰周公為師召公為保相成王為左右聖賢兼此官也○相息亮反

司諫中士二人史二人徒二十人

諫猶正也以道正人行○行下孟反

司徒教官之屬

司救中士二人史二人徒二十人

救猶禁也以禮禁人之過者也

調人下士二人史二人徒十人

調猶和合也

媒氏下士二人史二人徒十人

媒之言謀也謀合異類使和成者今齊人名趨熱曰媒○趨起六反熱魚列反

司市下大夫二人上士四人中士八人下士十有六人府四人史

八人胥十有二人徒百有二十人

司市市官之長

質人中士二人下士四人府二人史四人胥二人徒二十人

質平也主平定物賈者○賈音嫁下物賈及賈八人同

廛人中士二人下士四人府二人史四人胥二人徒二十人

故書廛為壇杜子春讀壇為廛說云市中空地玄謂廛民居區域之稱

胥師二十肆則一人皆二史賈師二十肆則一人皆一史司藪十

肆則一人司稽五肆則一人胥三肆則一人肆長每肆則一人

自胥師以及司稽皆司市所自辟除也胥及肆長市中給繇役者胥師領羣胥賈師定物賈司暴禁暴亂司稽祭留連不時去者○賈音古辭必亦反

泉府士士四人中士八人下士十有六人府四人史八人賈八人

司稽

司徒教官之屬

四

承

周禮

卷九

三

承

徒八十人。司門下大夫二人。上士四人。中士八人。下士十有六人。府二人。史四人。胥八人。徒八十人。

鄭司農云故書泉或作錢

司門下大夫二人。上士四人。中士八人。下士十有六人。府二人。史四人。胥八人。徒八十人。

司門若今城門校尉主王城十二門

司關上士二人。中士四人。府二人。史四人。胥八人。徒八十人。每關下士二人。府一人。史二人。徒四人。

關界上之門

掌節上士二人。中士四人。府二人。史四人。胥二人。徒二十人。

節猶信也行者所執之信

遂人。中大夫二人。遂師下大夫四人。上士八人。中士十有六人。旅下士三十有二人。府四人。史十有二人。胥十有二人。徒百有二十人。

遂人主六遂若司徒之於六鄉也六遂之地自遠郊以達于畿中有公邑家邑小都大都焉鄭司農云遂謂王國百里外

遂大夫每遂中大夫一人。縣正每縣下大夫一人。鄙師每鄙上士一人。鄴長每鄴中士一人。里宰每里下士一人。鄰長五家則一人。

縣鄙鄴里鄰遂之屬別也。鄴作管反

旅師中士四人。下士八人。府二人。史四人。胥八人。徒八十人。

司農

司徒教官之屬

五

周禮

主斂縣師所徵野之賦穀者也。旅猶處也。六遂之官。里宰之師也。正用里宰者。亦斂民之稅。宜督其親民。

稍人下士四人。史二人。徒十有二人。

主為縣師令都鄙丘甸之政也。距王城三百里。曰稍。家邑小都大都。自稍以出焉。○為于偽反。

委人。中士二人。下士四人。府二人。史四人。徒四十人。

主斂甸稍芻薪之。小都大都。自委以出焉。○為于偽反。賦以共委積者也。

士均。上士二人。中士四人。下士八人。府二人。史四人。胥四人。徒四

十人。均。猶平也。主平土地之政令者也。

草人。下士四人。史二人。徒十有二人。

草除

稻人。上士二人。中士四人。下士八人。府二人。史四人。胥十人。徒百

人。鄭司農云。訓讀為馴。謂以遠方土地所生異物。告道王也。爾雅云。訓道也。支謂能訓說土地善惡之勢。

士訓。中士二人。下士四人。史二人。徒八人。

誦訓。中士二人。下士四人。史二人。徒八人。

能訓說四方所誦習。及人所作為久時事。

山虞。每大山。中士四人。下士八人。府二人。史四人。胥八人。徒八十

人。中山。下士六人。史二人。胥六人。徒六十人。小山。下士二人。史一

人。周禮

司農

人徒二十人

虞度也，度知山之大小及所生者。○度徒洛反。

林衡每大林麓下士十有二人，史四人，胥十有二人，徒百有二十

人。中林麓如中山之虞，小林麓如小山之虞。

衡，平也。平林麓之大小及所生者。竹木生平地曰林，山足曰麓。○麓音祿。

川衡每大川下士十有二人，史四人，胥十有二人，徒百有二十人。

中川下士六人，史二人，胥六人，徒六十人，小川下士二人，史一人，

徒二十人。

川，流水也。禹貢曰九川滌源。

澤虞每大澤大藪中士四人，下士八人，府二人，史四人，胥八人，徒

八十人。中澤中藪如中川之衡，小澤小藪如小川之衡。

澤，水所鍾也。水希曰藪。禹貢曰九澤既陂，爾雅有八藪。○陂，彼宜反。

迹人，中士四人，下士八人，史二人，徒四十人。

迹之言跡，知禽獸處。

井人，中士二人，下士四人，府三人，史二人，胥四人，徒四十人。

井之言礦也。金玉未成器曰礦。○井，徐音礦。號猛反。

角人，下士二人，府一人，徒八人。

羽人，下士二人，府一人，徒八人。

掌葛下士二人。府一人。史一人。胥二人。徒二十人。

掌染草下士二人。府一人。史二人。徒八人。

染草，藍蒨象斗之屬。○蒨，于見反。象本或作檫。音同。

掌炭下士二人。史二人。徒二十人。史二人。胥四人。徒四十人。

掌荼下士二人。府一人。史一人。徒二十人。

荼，茅莠。○茶音徒。

掌蜃下士二人。府一人。史一人。徒八人。

蜃，大蛤。月令：孟冬雉入大水為蜃。○蜃上忍反。蛤古荅反。

圉人。中士四人。下士八人。府二人。胥八人。徒八十人。人胥八人。史

圉，今之苑。

場人。每場下士二人。府一人。史一人。徒二十人。

場，築地為墀。季秋除圃中為之。詩云：九月築場圃，十月納禾稼。○墀音善。

廩人。下大夫二人。上士四人。中士八人。下士十有六人。府八人。史

十有六人。胥三十人。徒三百人。

藏米曰廩。廩人，舍人。舍人，司祿官之長。

舍人。上士二人。中士四人。府二人。史四人。胥四人。徒四十人。

舍，猶宮也。主平官中用穀者也。

舍人。中士四人。下士八人。府二人。史四人。胥四人。徒四十人。

司祿中士四人。下士八人。府二人。史四人。徒四十人。四十人

主班祿

司稼下士八人。史四人。徒四十人。史四人。胥四人。共四十人

種穀日稼如嫁女以有所生

春人奄二人。女春枕三人。奚五人。

女春枕女奴能春與枕者。枕抒白也。詩云十束六人。秋八人。史或春或枕。○枕音由。又音掄。抒時女反。

饎人奄二人。女饎八人。奚四十人。

鄭司農云。饎人主炊官也。特牲饋食禮曰。主婦視饎爨。故書饎作饎。○饎尺志反。注饎同。爨七亂反。

豪人奄八人。女豪每奄二人。奚五人。

鄭司農云。豪讀為犒師之犒。主冗食者。故謂之犒。○冗如勇反。

周禮卷九 終

司徒教官之屬

周猶徧也九州楊荆豫青兗雍幽冀并也輪從也積石曰山竹木曰林注瀆曰川水鍾曰澤土高曰丘大阜曰陵水崖曰墮下平曰衍高平曰原下濕曰隰各物者十等之名與所生之物○雍於用反從子容反

而辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野

千里曰畿疆猶界也春秋傳曰吾子疆理天下溝穿地為阻固也封起土界也社稷后土及田正之神壇壇與墾埒也田主田神后土田正之所依也詩人謂之田祖所宜木謂若松柏栗也若以松為社者則名松社之野以別方面○墮維癸反別彼列反

以土會之灋辨五地之物生一曰山林其動物宜毛物其植物宜阜物其民毛而方二曰川澤其動物宜鱗物其植物宜膏物其民

黑而津三曰丘陵其動物宜羽物其植物宜覈物其民專而長四曰墳衍其動物宜介物其植物宜莢物其民皙而瘠五曰原隰其動物宜羸物其植物宜叢物其民豐肉而庠

會計也以土計貢稅之法因別此五者也毛物貂狐貉貉之屬鱗毛者也鱗物魚龍之屬津潤也羽物翟雉之屬核物李梅之屬專園也介物龜鼈之屬水居陸生者莢物薺荑王棘之屬皙白也瘠羸也羸物虎豹貉獐之屬淺毛者叢物桂葦之屬豐猶厚也庠猶短也杜子春讀生為性鄭司農云植物根生之屬阜物柞栗之屬今時謂柞實為阜耳膏物謂楊柳之屬理致且白如膏玄謂膏當為麩字之誤也蓮莢之實有麩韜○阜本作皂專徒九反注同莢古協反羸力果反庠音婢貂音彫貉吐官反貉胡洛反羸其俱反羸音毗貉勑宜反羸音丸柞子洛反致直記反麩古毛反莢音儉

因此五物者民之常而施十有二教焉一曰以祀禮教敬則民不

苟二曰以陽禮教讓則民不爭三曰以陰禮教親則民不怨四曰以樂禮教和則民不乖五曰以儀辨等則民不越六曰以俗教安則民不偷七曰以刑教中則民不蹏八曰以誓教恤則民不怠九曰以度教節則民知足十曰以世事教能則民不失職十有一曰以賢制爵則民慎德十有二曰以庸制祿則民興功

陽禮謂鄉射飲酒之禮也陰禮謂男女之禮昏姻以時則男不曠女不怨儀謂君南面臣北面父坐子伏之屬俗謂土地所生習也偷謂朝不謀夕恤謂災危相憂民有凶患憂之則民不解怠度謂宮室車服之制世事謂士農工商之事少而習焉其心安焉因教以能不易其業慎德謂矜其善德勸為善也庸功也爵以顯賢祿以賞功故書儀或為義杜子春讀為儀謂九儀○蹏薄報反解佳賣反少詩照反

以上宜之灋辨十有二土之名物以相民宅而知其利害以阜人民以蕃鳥獸以毓草木以任土事

十二土分野十二邦上繫十二次各有所宜也相占視也阜猶盛也蕃蕃息也育生也任謂就地所生因民所能○相息亮反分扶問反

辨十有二壤之物而知其種以教稼穡樹藝

壤亦土也變言耳以萬物自生焉則言土土猶吐也以人所耕而樹藝焉則言壤壤和緩之貌詩云樹之榛栗又曰我藝黍稷藝猶蒔也○種章勇反蒔時至反

以上均之灋辨五物九等制天下之地征以作民職以令地貢以斂財賦以均齊天下之政

均平也。五物五地之物也。九等駢剛赤緹之屬。征稅也。民職。民九職也。地貢。貢地所生。謂九穀。財。謂泉穀。賦。謂九賦。及軍賦。○駢雖營反。緹音低。

以土圭之灋測土深。正日景以求地中。日南則景短。多暑。日北則景長。多寒。日東則景夕。多風。日西則景朝。多陰。

土圭所以制四時日月之景也。云測。猶度也。不知廣狹。故曰測。故書求為救。杜子春云。為求。鄭司農云。測土深。謂南北東西之深也。日南。謂立表處大南近日也。日北。謂立表處大北遠日也。景夕。謂日跌景乃中。立表之處大東近日也。景朝。謂日未中而景中立表處大西遠日也。玄謂晝漏半而置土圭。表陰陽審其南北。景短于土圭。謂之日南。是地于日為近南也。景長于土圭。謂之日北。是地于日為近北也。東于土圭。謂之日東。是地於日為近東也。西于土圭。謂之日西。是地于日為近西也。如是則寒暑陰風。偏而不和。是未得其所求。凡日景于地。千里而差一寸。○淡。反。鳩。反。度。待。洛。反。跌。待。結。反。

日至之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。制其畿方千里。而封樹之。

景尺有五寸者。南戴日下萬五千里。地與星辰四遊。升降於三萬里之中。是以半之。得地之中也。畿方千里。取象于日。一寸為正樹。樹木溝土。所以表助阻固也。鄭司農云。土圭之長。尺有五寸。以夏至之日。立八尺之表。其景適與土圭等。謂之地中。今潁川陽城地為然。

凡建邦國。以土圭土其地。而制其域。諸公之地。封疆方五百里。其食者半。諸侯之地。封疆方四百里。其食者參之一。諸伯之地。封疆方三百里。其食者參之二。諸子之地。封疆方二百里。其食者四之一。

司徒教官之職

一諸男之地封疆方百里其食者四之一

土其地猶言度其用鄭司農云土其地佳為正四方耳其食者半公所食租稅得其半耳其半皆附庸小國也屬天子黍之一者委然故魯頌曰錫之山川土地附庸奄有龜蒙遂荒大東至于海邦論語曰季氏將伐顛史孔子曰先王以為東蒙主且在邦域之中是社稷之臣此非七十里所能容然則方五百里四百里合于魯頌論語之言諸男食者四之一適方五十里獨此與今五經家說合耳玄謂其食者半參之六四之一者土均均邦國地貢輕重之等其率之也公之地以一易侯伯之地以再易子男之地以三易必足其國禮俗喪紀祭祀之用乃貢其餘若今度支經用餘為司農穀矣大國貢重正之也小國貢輕字之也凡諸侯為牧正帥長及有德者乃有附庸為其有祿者當取焉公與附庸侯附庸九同伯附庸七同子附庸五同男附庸三同進則取焉退則歸焉魯于周法不得有附庸故言錫之也地方七百里者包附庸以大言之也附庸二十四言得兼此四等矣○疆居良反率音律又音類正之音征為其干偽反

凡造都鄙制其地域而封溝之以其室數制之不易之地家百畝

一易之地家二百畝再易之地家三百畝

都鄙王子弟公卿大夫采地其界曰都鄙所居也王制曰天子之縣內方百里之國九七十里之國二十有一五十里之國六十有三此蓋夏時采地之數周末聞矣春秋傳曰遷鄭焉而鄙留城郭之宅曰室詩云嗟我婦子曰為改歲入此室處以其室數制之謂制丘甸之屬王制曰凡居民量地以制邑度地以居民地邑民居必參相得鄭司農云不易之地歲種之地美故家百畝一易之地休一歲乃復種地薄故家二百畝再易之地休二歲乃復種故家三百畝○畝本亦作古畷字復扶又反

乃分地職奠地守制地貢而頒職事焉以為地灋而待政令

分地職分其九職所宜也定地守謂衛麓虞侯之屬制地貢謂九職所稅也頒職事者分命使各為其所職之事○奠劉音定

以荒政十有二聚萬民一曰散利二曰薄征三曰緩刑四曰弛力

周禮

司徒教官之職

五

水滸堂

五日舍禁。六曰去幾。七曰青禮。八曰殺哀。九曰蕃樂。十曰多昏。十一曰索鬼神。十二曰除盜賊。

荒凶年也。鄭司農云。救飢之政。十有二品。散利貸種食也。薄征輕租稅也。弛力息繇役也。去幾。關市不幾也。青禮。掌客職所謂凶荒殺禮者也。多昏。不備禮而娶昏者多也。索鬼神。求廢祀而脩之。雲漢之詩所謂靡神不舉。靡愛斯牲者也。除盜賊。急其刑以除之。飢饉則盜賊多。不可不除也。杜子春讀蕃樂為藩樂。謂閉藏樂器而不作。玄謂去幾。去其稅耳。舍禁。若公無禁利。皆禮謂殺吉禮也。殺哀。謂省凶禮。弛式。氏反。舍音捨。殺所界反。蕃方袁反。

以保息。六曰養萬民。一曰慈幼。二曰養老。三曰振窮。四曰恤貧。五曰寬疾。六曰安富。

保息。謂安之使蕃息也。慈幼。謂愛幼少也。產子三人與之母。二人與之餼。十四以下不從征。養老。七十養於鄉。五十異糶之屬。

振窮。拊救天民之窮者也。窮者有四。曰矜。曰寡。曰孤。曰獨。恤貧。貧無財業。稟貸之。寬疾。若今癰。不可事。不負。卒。可事者半之也。安富。平其繇役。不專取。少詩。照反。拊音。拯。救音。救。矜。古頑反。癰音。隆。卒。子忽反。

以本俗。六曰安萬民。一曰燬宮室。二曰族墳墓。三曰聯兄弟。四曰聯師儒。五曰聯朋友。六曰同衣服。

本。猶舊也。美善也。謂約核攻堅。風雨攸除。各有攸宇。族。猶類也。同宗者生相近。戚相迫。連。猶合也。兄弟。昏姻嫁娶也。師儒。鄉里。教以道藝者。同師曰朋。同志曰友。同。猶齊也。民。雖有富者。衣服不得獨異。燬音美。塚。陟角反。

正月之吉。始和。布教于邦國都鄙。乃縣教象之灋于象魏。使萬民觀教象。挾日而斂之。乃施教灋于邦國都鄙。使之各以教其所治民。

正月之吉，周正月朔日也。司徒以布五教，至正歲，又書教法而縣焉。○縣音玄。

令五家為比，使之相保。五比為閭，使之相受。四閭為族，使之相葬。

五族為黨，使之相救。五黨為州，使之相賙。五州為鄉，使之相賓。

此所以勸民者也。使之者，皆謂立其長而教令使之，保猶任也。救，救凶災也。賓，賓客其賢者。故書受為授。杜子春云：當為受，謂民移徙所到，則受之，所去則出之。又云：賙，當為糾，謂糾其惡。玄謂受者，宅舍有故，相受寄託也。賙者，謂禮物不備，相給足也。閭，二十五家族，百家黨，五百家州，二千五百家鄉，萬二千五百家。○此毗志反。賙音周，足劉子喻反。

頒職事十有二于邦國都鄙，使以登萬民。一曰稼穡，二曰樹藝，三

曰作材，四曰阜蕃，五曰飭材，六曰通財，七曰化材，八曰斂材，九曰

生材，十曰學藝，十有一曰世事，十有二曰服事。

鄭司農云：稼穡，謂三農生九穀也。樹藝，謂園圃毓草木，作材，謂虞衡作山澤之材。阜蕃，謂藪牧養蕃鳥獸。飭材，謂百王飭化八材。通財，謂商賈阜通貨賄。化材，謂嬪婦化治絲枲。斂財，謂臣妾聚斂疏材。生材，謂間民無常職，轉移執事。學藝，謂學道藝。世事，謂以世事教能，則民不失職。服事，謂為公家服事者。玄謂生材，養竹木者。○賈音古，間音閑。

以鄉三物教萬民，而賓興之。一曰六德，知、仁、聖、義、忠、和。二曰六行，

孝、友、睦、婣、任、恤。三曰六藝，禮、樂、射、御、書、數。

物猶事也。興猶舉也。民三事，教成。鄉大夫舉其賢者能者以飲酒之禮賓客之。既則獻其書於王矣。知，明於事。仁，愛人。以及物。聖通而先識。義能斷時宜。忠，言以中心。和，不剛不柔。善於父母為孝。善於兄弟為友。睦，親於九族。姻，親於外親。任，信於友。道，恤。振憂貧者。禮，五禮之義。樂，六樂之歌。射，五射之法。御，五御之節。書，六書之品。數，九數之計。

以鄉八刑糾萬民。一曰不孝之刑，二曰不睦之刑，三曰不婣之刑，

四曰不弟之刑。五曰不任之刑。六曰不恤之刑。七曰造言之刑。八曰亂民之刑。

糾猶割察也。不弟不敬師長。造言訛言惑眾。亂民亂名。改作執左道以亂政也。鄭司農云：任謂朋友相任恤。謂相愛。

以五禮防萬民之偽，而教之中。

禮所以節正民之侈偽，使其行得中。鄭司農云：五禮謂吉凶賓軍嘉。

以六樂防萬民之情，而教之和。

樂所以蕩正民之情思，使其心應和也。鄭司農云：六樂謂雲門、咸池、大韶、大夏、大濩、大武。○思悉吏反。濩音護。

凡萬民之不服教，而有獄訟者，與有地治者聽而斷之。其附于刑者歸于士。

不服教，不服服於十二教。貪員者也。爭罪曰獄。爭財曰訟。有地治者，謂鄉州及治都鄙者也。附麗也。士，司寇士師之屬。鄭司農云：與有地治者聽而斷之，與其地部界所屬吏其聽斷之。士謂主斷刑之官。春秋傳曰：士榮為大士，或謂歸于圜士。圜士，謂獄也。獄，城園。○斷，丁亂反。厭於涉反。

祀五帝，奉牛牲，羞其肆。

牛能任載地類也。奉，猶進也。鄭司農云：羞，進也。肆，陳骨體也。玄謂進所肆解骨體。士喪禮曰：肆，解去蹄。○肆，託歷反。注肆，解肆去同。司農音。

享先王亦如之。

大賓客，令野修道委積。

令，令遣人使為之也。少曰委，多曰積。皆所以給賓客。

周禮

卷一

司徒教官之職

八

禮記

大喪帥六鄉之衆庶屬其六引而治其政令

衆庶所致役也鄭司農云六引謂引喪車索也六鄉主六引兵遂主六紼○引如字又音亂紼音弗

大軍旅大田役以旗致萬民而治其徒庶之政令

旗畫熊虎者也徵衆刻日樹旗期於其下

若國有大故則致萬民於王門令無節者不行於天下

大故謂王崩及寇兵也節六節有節乃得行防姦私

大荒大札則令邦國移民通財舍禁弛力薄征緩刑

大荒大凶年也大札大疫病也移民辟災就賤其有守不可移者則輸之穀春秋定五年夏歸粟於蔡是也○札側八反

歲終則令教官正治而致事

歲終自周季冬也教官其屬六十正治明處其文書致事上其計簿○上時掌反

正歲令于教官曰各共爾職修乃事以聽王命其有不正則國有

常刑

正歲夏正月朔日

周禮卷十終

周禮

卷十

司徒教官之職

七

承讓堂

乃頒比灋於六鄉之大夫使各登其鄉之眾寡六畜車輦辨其物以歲時入其數以施政教行徵令

登成也成猶定也眾寡民之多少物家中之財歲時入其數若今四時言事○畜許又反後六畜皆同

及三年則大比大比則受邦國之比要

大比謂使天下更簡閱民數及其財物也受邦國之比要則亦受鄉遂矣鄭司農云五家為比故以此為名今時八月案比是也要謂其簿

乃會萬民之卒伍而用之五人為伍五伍為兩四兩為卒五卒為

旅五旅為師五師為軍以起軍旅以作田役以比追胥以令貢賦

用謂使民事之伍兩卒旅師軍首眾之名兩二十五人卒百人旅五百人師二千五百人軍萬二千五百人此皆先王所因農

事而定軍令者也欲其恩足相恤義足相救服容相別音聲相識作為也役功力之事追逐寇也春秋莊十八年夏公追戎于濟西胥伺捕盜賊也貢嬪婦百工之物賦九賦也鄉之田制與遂同○別彼列反

乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人

均平也周猶徧也一家男女七人以上則授之以上地所養者眾也男女五人以下則授之以下地所養者寡也正以七人六人五人為率者有夫有婦然後為家自二人以至十為九等七六五者為其中可任謂丁強任力役之事者出老者一人其餘男女強弱相半其大數○以上時掌反

凡起徒役毋過家一人以其餘為羨唯田與追胥竭作

鄭司農云羨饒也田謂獵也追
追寇賊也竭作盡行○母音無

凡用衆庶則掌其政教與其戒禁聽其辭訟施其賞罰誅其犯命者

命所以
警告之

凡國之大事致民大故致餘子

大事謂戎事也大故謂災寇也鄭司農云國有大事當徵召會
聚百姓則小司徒召聚之餘子謂羨也玄謂餘子卿大夫之子
當守於王
宮者也

乃經土地而井牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事

此謂造都鄙也采地制井田異於鄉遂重立國小司徒為經之
立其五溝五塗之界其制似井之字因取名焉孟子曰夫仁政
必自經界始經界不正井地不均穀祿不平是故暴君姦吏必
慢其經界經界既正分田制祿可坐而定也鄭司農云井牧者
春秋傳所謂井衍沃牧隰臯者也玄謂隰臯之地九夫為牧二
牧而當一井今造都鄙授民田有不易有一易有再易通率二
而當一是一謂井牧昔夏少康在虞思有田一成有衆一旅一
旅之衆而田一成則井牧之法先古然矣九夫為井者方一里
九夫所治之田也此制小司徒經之匠人為之溝洫相包乃成
耳邑丘之屬相連此以出田稅溝洫為除水害四井為邑方二
里四邑為丘方四里四丘為甸甸之言乘也讀如象甸之甸甸
方八里旁加一里則方十里為一成積百井九百夫其中六十
四井五百七十六夫出田稅三十六井三百二十四夫治洫四
甸為縣方二十里四縣為都方四十里四都方八十里旁加十
里乃得方百里為一同也積萬井九萬夫其四千九十六井三
萬六千八百六十四夫出田稅二千三百四井一萬七百三十
六夫治洫三千六百井三萬二千四百夫治澮井田之法備於
一同今止於都者采地食者皆四之一其制三等百里之國凡

四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王地事謂農牧衡虞也貢謂九穀山澤之材也賦謂出車徒給繇役也司馬法曰六尺為步百為晦晦百為夫夫三為屋屋三為井井十為通通為匹馬三十家士一人徒二人通十為成成百井三百家車一乘士十人徒二十人十成為終終千井三千家車十乘士百人徒二百人十終為同同方百里萬井三萬家車百乘士十人徒三千人○甸繩證反出注注同夫仁音扶少康詩照反溷涼逼反為除于偽反乘繩證反下同澮古外反

乃分地域而辨其守施其職而平其政。

分地域謂建邦國造都鄙制鄉遂也辨其守謂衡虞之屬職謂九職也政稅也政當作征故書域為邦杜子春云當為域○政

征音

凡小祭祀奉牛牲羞其肆。

小祭祀王玄冕所祭○肆託歷反

小賓客令野修道委積。

小賓客諸侯之使臣○使所吏反

大軍旅帥其眾庶。

帥帥而致於大司徒

小軍旅巡役治其政令。

巡役小力役之事則巡行之○行下孟反

大喪帥邦役治其政教。

喪役正棺引窆復土○窆波驗反

司徒教官之職

四

永懷堂

凡建邦國立其社稷正其畿疆之封。

畿九

凡民訟以地比正之。

鄭司農云以田畔所與比正斷其訟斷丁亂反

地訟以圖正之。

地訟爭疆界者圖謂邦國本圖

歲終則攷其屬官之治成而誅賞。

治成治事之計

令羣吏正要會而致事正歲則帥其屬而觀教灋之象狗以木鐸。

曰不用灋者國有常刑令羣吏憲禁令修灋糾職以待邦治。

憲表縣之

及大比六鄉四郊之吏平教治正政事攷夫屋及其衆寡六畜兵

器以待政令。

四郊之吏吏在四郊之內主民事者夫三爲屋屋三爲井出地貢者三三相任

鄉師之職各掌其所治鄉之教而聽其治。

聽謂平察之

以國比之灋以時稽其夫家衆寡辨其老幼貴賤廢疾馬牛之物

辨其可任者與其施舍者掌其戒令糾禁聽其獄訟。

施舍謂應復免不給錄役。○復音福

大役則帥民徒而至治其政令既役則受州里之役要以致司空之辟以逆其役事。

而至至作部曲也既已也役要所遣民徒之數辟功作章程逆猶鉤考也鄭司農云辟法也○辟婢亦反

凡邦事令作秩叙

事功力之事秩常也叙猶次也事有常次則不偏價○偏鄙力反

大祭祀羞牛牲其茅菹

杜子春云菹當為菹以茅為菹若葵菹也鄭大夫讀菹為藉所祭前藉也易曰藉用白茅无咎玄謂菹士虞禮所謂苴刈茅長五寸束之者是也祝設于几東席上命佐食取黍稷祭于苴三取膚祭祭如初此所以承祭既祭蓋束而去之守施職云既祭

藏其隋是與○菹子餘反藉如字下皆慈夜反刊音付而去羌呂反祧他彫反隋吁志反

大軍旅會同正治其徒役與其輦輦戮其犯命者

輦駕馬輦人輓行所以載任器也止以為蕃營司馬法曰夏后氏謂輦曰余車殷曰胡奴車周曰輜輦輦一芥一斤一鑿一裡一鋤周輦加二版二築又曰夏后氏二十人而輦殷十八人而輦周十五人而輦故書輦作連鄭司農云連讀為輦○輦九玉反輦音晚裡里其反

大喪用役則帥其民而至遂治之

治為監督其事

及葬執纛以與匠師御匱而治役

匠師事官之屬其於司空若鄉師之於司徒也鄉師主役匠師主眾匠其主葬引雜記曰升正柩諸侯執紼五百人四綽皆銜

周禮

卷七

司徒教官之職

六

禮記

枚司馬執鐸左八人右八人匠人執翽以御棗天子六引禮依此云鄭司農云翽羽葆幢也爾雅曰轟翽也以指麾輓柅之役正其行列進退○轟音毒匱音舊綽音弗翽音桃幢直江反行戶剛反下同

及窆執斧以涖匠師

匠師主豐碑之事執斧以涖之使戒其事故書涖作立鄭司農云窆謂葬下棺也春秋傳曰日中而殯禮記所謂封者立讀為涖涖謂臨視也○塋補音反對彼驗反

凡四時之田前期出田灋于州里簡其鼓鐸旗物兵器修其卒伍

田法人徒及所當有

及期以司徒之大旗致衆庶而陳之以旗物辨鄉邑而治其政令刑禁巡其前後之屯而戮其犯命者斷其爭禽之訟

司徒致衆庶者以熊虎之旗此又以之明司徒致之大夫致衆當以鳥隼之旗陳之以旗物以表正其行列辨別異也故書巡作述屯或為臂鄭大夫讀屯為課殿杜子春讀為在後曰殿謂前後屯兵也玄謂前後屯車徒異部也今書多為屯從屯○斷丁亂反旗音餘別彼列反殿都遍反

凡四時之徵令有常者以木鐸徇於市朝

徵令有常者謂田狩及正月命修封疆二月命雷且發聲○朝直遙反

以歲時巡國及野而賙萬民之糶阨以王命施惠

歲時者隨其事之時不必四時也糶阨飢乏也鄭司農云賙讀為周急之周○難古艱反

歲終則攷六鄉之治以詔廢置

正歲稽其鄉器比其吉凶二服閭其祭器族共喪器黨共射器州

同禮

卷二 司徒教官之職

七

示傳室

其賓器鄉共吉凶禮樂之器。

吉服者祭服也凶服者弔服也比長主集為之祭器者簋簠鼎俎之屬間胥主集為之喪器者夷槃素俎楛豆軼軸之屬族師主集為之此三者民所以相共也射器者弓矢楛中之屬黨正主集為之為州長或時射於此黨也賓器者尊俎笙瑟之屬州長主集為之為鄉大夫或時賓賢能於此州也吉器若間祭器者也凶器若族喪器者也禮樂之器若州黨賓射之器者鄉大夫備集此四者為州黨族間有故而不共也此鄉器者苟使相共則民無廢事上下相補則禮行而教成。楛苦轄反軼九勇反軸音逐楛音福又音逼

若國大比則考教察辭稽器展事以詔誅賞。

考教視賢能以知道藝與不察辭視吏言事知其情實不展猶整具

周禮卷十一 終

周禮卷十二

漢大司農北海鄭玄註

皇明後學東吳葛燕訂

司徒教官之職

鄉大夫之職各掌其鄉之政教禁令。

鄭司農云萬二千五百家為鄉

正月之吉受教灋于司徒退而頒之于其鄉吏使各以教其所治以攷其德行察其道藝。

其鄉吏州長以下○行下孟反

周禮

卷十一

司徒教官之職

一

承襲堂

以歲時登其夫家之衆寡。辨其可任者。國中自七尺以及六十。野自六尺以及六十有五。皆征之。其舍者。國中貴者。賢者。能者。服公事者。老者。疾者。皆舍。以歲時入其書。

登成也。定也。國中。城郭中也。晚賦稅而早免之。以其所居復多。役少。野。早賦稅而晚免之。以其復少。役多。鄭司農云。征之者。給公上事也。舍者。謂有復除。舍不收役事也。貴者。謂若今宗室及關內侯。皆復也。服公事者。謂若今吏有復除也。老者。謂若今八十九十。復美卒也。疾者。謂若今廢不可事者。復之。玄謂入其書者。言於大司徒。○復音福。下同。

三年則大比。攷其德行道藝。而興賢者能者。鄉老及鄉大夫帥其吏。與其衆寡。以禮禮賓之。

賢者。有德行者。能者。有道藝者。衆寡。謂鄉人之善者。無多少也。鄭司農云。興賢者。謂若今舉孝廉。興能者。謂若今舉茂才。賓。敬

也。敬所舉賢者能者。玄謂變舉言興者。謂合衆而尊寵之。以鄉飲酒之禮禮而賓之。

厥明。鄉老及鄉大夫羣吏。獻賢能之書于王。王再拜受之。登于天府。內史貳之。

厥其也。其賓之明日也。獻猶進也。王拜受之。重得賢者。王上其書于天府。天府。掌祖廟之寶藏者。內史。副寫其書者。當詔王爵祿之時。○上其時。掌反。藏才浪反。

退而以鄉射之禮。五物詢衆庶。一曰和。二曰容。三曰主皮。四曰和容。五曰興舞。

以用也。行鄉射之禮。而以五物詢于衆民。鄭司農云。詢。謀也。問于衆庶。寧復有賢能者。和。謂閨門之內行也。容。謂容貌也。主皮。謂善射。射所以觀士也。故書舞為無。杜子春讀和容為和。頌。謂能為樂也。無。讀為舞。謂能為六舞。玄謂和。載六德。容。包六行也。

大司徒。教官之職。

庶民無射禮。因田獵分禽，則有主皮。主皮者，張皮射之，無侯也。主皮和容，與舞則六藝之射與禮樂與當射之時，民必觀焉。因詢之也。孔子射于矍相之圃，蓋觀者如堵牆。射至于司馬，使子路朝弓矢，出誓射者，又使公罔之裘序點揚解而語，詢衆庶之儀。若是乎。○寧復扶又反皮射食亦反。矍俱縛反。相息亮反。禪支豉反。

此謂使民興賢，出使長之，使民興能，入使治之。

言是乃所謂使民自舉賢者，因出之而使之，長民教以德行道藝於外也。使民自舉能者，因入之而使之，治民之貢賦田役之事於內也。言為政以順民為本也。書曰：天聰明自我民聰明，天明威自我民明威。老子曰：聖人無常心，以百姓心為心。如是則古今未有遺民而可為治。

歲終則令六鄉之吏皆會政致事。

會計也，致事言其歲盡文書皆詣於上，以會其政也。

正歲令羣吏攷灋于司徒以退，各憲之于其所治之國。

大詢于衆庶，則各帥其鄉之衆寡而致于朝。

大詢者，詢國危，詢國遷，詢立君，鄭司農云：大詢于衆庶，洪範所謂謀及庶民。

國有大故，則令民各守其閭，以待政令。

使民皆聚於閭，胥所治處。

以旌節輔令，則達之。

民雖以徵令行其將之者，無節則不得通。

州長各掌其州之教治政令之灋。

鄭司農云：二千五百家為州。論語曰：雖州里行乎哉。春秋傳曰：鄉取一人焉，以歸，謂之夏州。

司徒

卷三

司徒教官之職

三

承慶堂

正月之吉。各屬其州之民而讀灋。以攷其德行道藝而勸之。以糾其過惡而戒之。

屬猶合也。聚也。因聚眾而勸戒之者。欲其善。屬音燭。

若以歲時祭祀州社。則屬其民而讀灋亦如之。春秋以禮會民而射于州序。

序州黨之學也。會民而射所以正其志也。射儀曰射之為言釋也。釋者各釋已之志。

凡州之大祭祀。大喪。皆蒞其事。

大祭祀謂州社稷也。大喪鄉老鄉大夫于是卒者也。蒞臨也。

若國作民而師田。行役之事。則帥而致之。掌其戒令。與其賞罰。

致之。致之于司徒也。掌其戒令。賞罰。則是於軍。因為師帥。

歲終。則會其州之政令。正歲。則讀教灋如初。

雖以正月讀之。至正歲猶復讀之。因此四時之正。重申之。

三年大比。則大攷州里。以贊鄉大夫廢興。

廢興。所廢退。所興進也。鄭司農云贊助也。

黨正各掌其黨之政令。教治。

鄭司農云。五百家為黨。論語曰。孔子于鄉黨。又曰。闕黨童子。

及四時之孟月吉日。則屬民而讀邦灋以糾戒之。

以四孟之月朔日讀灋者。彌親民者。於教亦彌數。數所角反。

春秋祭崇亦如之。

崇謂雩祭水旱之神蓋亦為壇位如祭社稷云。崇祭敬反。

國索鬼神而祭祀則以禮屬民而飲酒于序以正齒位。一命齒于鄉里再命齒于父族三命而不齒。

國索鬼神而祭祀謂歲十二月大蜡之時建亥之月也。正齒位者鄉飲酒義所謂六十者坐五十者立侍六十者三豆七十者四豆八十者五豆九十者六豆是也。必正之者為民三時務農將闕於禮至此農隙而教之尊長養老見孝悌之道也。黨正飲酒禮亡以此事屬於鄉飲酒之義。徵失少矣。凡射飲酒比鄉民雖為卿大夫必來觀禮鄉飲酒鄉射記大夫樂作不入凡既旅不入是也。齒于鄉里者以年與眾賓相次也。齒于父族者父族有為賓者以年與之相次異姓雖有老者居于其上。不齒者席于東所謂適。蜡仕詐于依字作禱為于偽反。

凡其黨之祭祀喪紀昏冠飲酒教其禮事掌其戒禁

其黨之民。○冠古亂反。

凡作民而師田行役則以其瀆治其政事。

亦於軍田為旅帥。

歲終則會其黨政帥其吏而致事。

正歲屬民讀灋而書其德行道藝。

書記之。

以歲時涖校比。

涖臨也。鄭司農云校比族師職所謂以時屬民而投登其族之夫家眾寡辨其貴賤老幼廢疾可任者及其六畜車螯如今小

周禮

卷三 司徒教官之職

五

厥禮堂

及大比亦如之。

族師各掌其族之戒令政事。

政事邦政之事鄭司農云百家為族

月吉則屬民而讀邦灋書其孝弟睦姻有學者。

月吉每月朔日也故書上句或無事字杜子春云當為正月吉書亦或為戒令政事月吉則屬民而讀邦灋

春秋祭酺亦如之。

酺者為人物裁害之神也故書酺或為步杜子春云當為酺玄謂按人職又有冬祭馬步則未知此世所云蠶螟之酺與人鬼之步與蓋亦為壇位如雩祭云族長無飲酒之禮因祭酺而與其民以長幼相獻酬焉○酺音步按戶教反蠶悅全反螟竟經

反榮榮敬反

以邦比之灋帥四閭之吏以時屬民而按登其族之夫家眾寡辨其貴賤老幼廢疾可任者及其六畜車輦

登成也定也

五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相葬埋

相共猶相救相調

若作民而師田行役則合其卒伍簡其兵器以鼓鐸旗物帥而至掌其治令戒禁刑罰

歲終則會政致事
閭胥各掌其閭之徵令。

鄭司農云二
十五家為閭

以歲時各數其閭之眾寡辨其施舍凡春秋之祭祀役政喪紀之數聚眾庶既比則讀灋書其敬敏任恤者。

祭祀謂州社黨祭族酬也役田役也政若州射黨飲酒也喪紀大喪之事也四者及比皆會聚眾民因以讀灋以勅戒之故書既為灋杜子春讀政為征暨為既
○數色毛反政役如字杜音征

凡事掌其比觶撻罰之事。

觶撻者失禮之罰也觶用酒其爵兕角為之撻扑也故書或言觶撻之罰事杜子春云當言觶撻罰之事○觶古橫反扑普卜反

比長各掌其比之治五家相受相和親有臯奇裘則相及。

裘猶惡也○臯本亦作罪裘似嗟反

徙于國中及郊則從而授之。

徙謂不使其居也或國中之民出徙郊或郊民入徙國中皆從而付所處之吏明無罪惡

若徙于他則為之旌節而行之。

徙于他謂出居異鄉也授之者有節乃達

若無授無節則唯園土內之。

甸禮 卷五 大司馬 司徒教官之職 七

封人掌設王之社壇為畿封而樹之

壇謂壇及壝塚也畿上有封若今時界矣不言稷者稷社之細也

凡封國設其社稷之壇封其四疆

封國建諸侯立其國之封

造都邑之封域者亦如之

令社稷之職

將祭之時令諸有職事於社稷者也郊特牲曰唯為社事單出里唯為社田國人畢作唯為社丘乘共粢盛所以報本反始也○為于偽反下同○單音丹乘繩證反

凡祭祀飾其牛牲設其楅衡置其絃共其水彙

節謂刷治潔清之也鄭司農云楅衡所以楅持牛也絃著牛鼻繩所以牽牛者今時謂之雉與古者名同皆謂夕牲時也杜子春云楅衡所以持牛今不得抵觸人玄謂楅設于角衡設于鼻如楅狀也水彙給殺時洗薦牲也絃字當以豸為聲○楅音福絃本又作紉持忍反彙古老反着直略反令力呈反根音加豸直抵反

歌舞牲及毛炮之豚

謂君牽牲入時隨歌舞之言其肥香以歆神也毛炮豚者爛去其毛而炮之以備入珍鄭司農云封人主歌舞其牲云博碩肥膾○炮薄交反爛似鹽反去起呂反膾徒忍反

凡喪紀賓客軍旅大盟則飾其牛牲

大盟會同之盟

鼓人掌教六鼓四金之音聲以節聲樂以和軍旅以正田役

音聲五聲合和者

教為鼓而辨其聲用

教為鼓教擊鼓者大小之數又別其聲所用之事○別彼列反

以雷鼓鼓神祀

雷鼓八面鼓也神祀祀天神也

以靈鼓鼓社祭

靈鼓六面鼓也今謂之靈鼓也社祭祭地祇也

以路鼓鼓鬼享

路鼓四面鼓也鬼享享宗廟也

以鼗鼓鼓軍事

大鼓謂之鼗鼗鼓長八尺○鼗扶云反

以磬鼓鼓役事

磬鼓長丈二尺○磬音焦

以晉鼓鼓金奏

晉鼓長六尺六寸金奏謂樂作擊編鐘

以金鐃和鼓

鐃鐃于也圓如確頭大上小下樂作鳴之與鼓相和○鐃音淳確音對

司禮

卷十一

司徒教官之職

九

水鏡堂

以金鐻節鼓。

鐻，鉦也。形如小鍾。軍行鳴之以為鼓節。司馬職曰：軍行鳴鐻。○鐻，直角反。鉦，音征。

以金鏡止鼓。

鏡如鈴，無舌，有秉，執而鳴之，以止擊鼓。司馬職曰：鳴鏡且卻。○鏡，女交反。卻，起略反。

以金鐸通鼓。

鐸，大鈴也。振之以通鼓。司馬職曰：司馬振鐸。○鈴，音零。

凡祭祀百物之神，鼓兵舞，帔舞者。

兵，謂于戚也。帔，列五采繒為之。有秉皆舞者所執。○帔，音佛。劉音弗。

凡軍旅夜，鼓鼙。

軍動則鼓其衆。

動且行。

田役亦如之。

救日月，則詔王鼓。

救，日月食。王必親擊鼓，者聲大異。春秋傳曰：非日月之眚，不鼓。

大喪，則詔大僕鼓。

始崩及窆時也。

舞帥掌教兵舞。帥而舞山川之祭祀。教帔舞。帥而舞社稷之祭祀。

司禮

卷三 司徒教官之職

承襲

教羽舞帥而舞四方之祭祀教皇舞帥而舞早暎之事

羽析白羽為之形如帔也四方之祭祀謂四望也早暎之事謂零也暎熱氣也鄭司農云皇舞蒙羽舞書或為望或為義玄謂皇折五采羽為之亦如帔○曠呼但反望音皇

凡野舞則皆教之

野舞謂野人欲學舞者

凡小祭祀則不興舞

小祭祀王玄冕所祭者與猶作也

周禮卷十二 終

周禮卷十三

漢大司農北海鄭 玄註

皇明 後學東吳金 蟠訂

司徒教官之職

牧人掌牧六牲而阜蕃其物以共祭祀之牲牷

六牲謂牛馬羊豕犬雞鄭司農云牲純也玄謂牲體完具○牲音全

凡陽祀用騂牲毛之陰祀用黝牲毛之望祀各以其方之色牲毛之

騂牲色赤毛之取純毛也陰祀祭地北郊及社稷也望祀五嶽四鎮四瀆也鄭司農云陽祀春夏也黝讀為幽幽黑也玄謂陽

祀祭天於南郊及宗廟。○黝于糾反。

凡時祀之牲必用牲物。

時祀四時所常祀謂山川以下至四方百物。

凡外祭毀事用虬可也。

外祭謂表貉及王行所過山川用事者故書毀為虬虬作虬杜子春云虬當為毀虬當為虬虬謂雜色不純毀謂副辜侯禳毀除殃咎之屬。○虬亡江反貉莫霸反虬丘例反副並逼反辜音孤禳如羊反。

凡祭祀共其犧牲以授充人繫之。

犧牲毛羽完具也授充人者當殊養之周景王時賓起見雉雞自斷其尾曰雞憚其為犧。

凡牲不繫者共奉之。

謂非時而祭祀者。

甸人掌養國之公牛以待國之政令。

公猶官也。

凡祭祀共其享牛求牛以授職人而芻之。

鄭司農云享牛前祭一日之牛也求牛禱於鬼神祈求福之牛也玄謂享獻也獻神之牛謂所以祭者也求終也終事之牛謂所以禪者也宗廟有禪者孝子求神非一處職讀為檝檝謂之棧可以繫牛檝人者謂牧人充人與芻牲之芻牛人擇於公牛之中而以授養之。○職之式反注檝同棧餘式反。

凡賓客之事共其牢禮積膳之牛。

牢禮發饗也積所以給賓客之用若司儀職曰主國五積者也膳所以問禮賓客若嘗客云殷膳太牢。○積子賜反殮音孫。

甸人

司徒教官之職

二

宗廟

饗食賓射共其膳羞之牛。

羞進也。所進賓之膳燕禮。小臣請執冪者與羞膳者至獻賓而膳宰設折俎王之膳羞亦猶此。○食音嗣下文同冪民狄反。

軍事共其犒牛。

鄭司農云犒師之牛。○犒苦裁反。

喪事共其奠牛。

謂殷奠遣奠也。喪所薦饋曰奠。

凡會同軍旅行役共其兵車之牛與其牽傍以載公任器。

牽傍在轅外輓牛也。人御之居其前曰牽。居其旁曰傍。任猶用也。○傍薄浪反。

凡祭祀共其牛牲之互與其盆簠以待事。

鄭司農云互謂楅衡之屬盆簠皆器名盆所以盛血簠受肉籩也。互謂互若今屠家縣肉格。○互劉音護徐音牙簠音奈盛音成縣音玄。

充人掌繫祭祀之牲牲祀五帝則繫于牢芻之三月。

牢閑也。必有閑者防禽獸觸齧。養牛羊曰芻三月一時節氣成。

享先王亦如之。

凡散祭祀之牲繫于國門使養之。

散祭祀謂司中司命山川之屬國門謂城門司門之官。鄭司農云使養之使守門者養之。○散素但反。

展牲則告牲。

鄭司農云展具也。具牲若今時選牲也。充人主以牲牲告展牲者也。玄謂展牲若今夕牲也。特牲饋食之禮曰宗人視牲告充。

奉獸尾告
備近之

碩牲則贊

贊助也。君率牲入，將致之，助持之也。
春秋傳曰：故奉牲以告曰博碩肥腍。

地官司徒下

載師掌任土之灋，以物地事，授地職，而待其政令。

任土者，任其力勢所能生育，且以制貢賦也。物物色之，以知其所宜之事，而授農牧衡虞使職之。

以廛里任國中之地，以場圃任園地，以宅田士田賈田任近郊之地，以官田牛田賞田牧田任遠郊之地，以公邑之田任甸地，以家邑之田任稍地，以小都之田任縣地，以大都之田任甸地。

故書廛或作壇，郊或為蒿，稍或作削，鄭司農云：禮讀為廛，廛市中空地，未有肆，城中空地未有宅者，民宅曰宅，宅田者以備益多也。士田者，士大夫之子得而耕之田也。賈田者，吏為縣官賣財與之田，官田者，公家之所耕田，牛田者，以養公家之牛，賞田者，賞賜之田，牧田者，牧六畜之田，司馬法曰：王國百里為郊，二百里為州，三百里為野，四百里為縣，五百里為都，杜子春云：蒿讀為郊，五十里為近郊，百里為遠郊，玄謂廛里者，若今云邑里，居矣，廛，民居之區域也，里，居也，圃，樹果蔬之屬，李秋於中為場，樊圃謂之園，宅田，致仕者之家所受田也，士讀為仕，仕者亦受田，邦則曰市井之臣，在野則曰草茅之臣，士讀為仕，仕者亦受田，所謂圭田也，孟子曰：自卿以下，必有圭田，圭田五十畷，賈田在市賈人，其家所受田也，官田，庶人在官者，其家所受田也，牛田，牧田，畜牧者之家所受田也，公邑，謂六遂餘地，天子使大夫治之，自此以外皆然，二百里三百里，其上大夫如州長，四百里五百里，其下大夫如縣正，是以或謂二百里為州，四百里為縣，云遂人亦監焉，家邑，大夫之采地，小都，卿之采地，大都，公之采地，王子弟所食邑也，畷，五百里，王畿界也，皆言任者，地之形實不方，平如圖，受田邑者，遠近不得盡如制，其所生育賦貢，取正於

是爾以廩里任國中而遂入戰授民田夫一廩田百畝是廩里不謂民之邑居在都城者與凡王畿內方千里積百同九百萬夫之地也。有山陵林麓川澤溝瀆城郭宮室涂巷三分去一餘六百萬夫。又以田不易一易再易上中下相通定受田者三萬家也。遠郊之內地居四同三十六萬夫之地也。三分去一其餘二十四萬夫。六鄉之民七萬五千家。通不易一易再易一家受二夫。則十五萬夫之地。其餘九萬夫。廩里也。場圃也。宅田也。士田也。賈田也。官田也。牛田也。賞田也。牧田也。九者亦通受一夫焉。則半農人也。定受田十二萬家也。食貨志云。農民戶一人已受田。其家眾男為餘夫。亦以口受田。如此。土工商家受田五口。乃當農夫一人。今餘夫在遂地之中如此。則土工商以事入在官。而餘夫以力出耕公邑。旬稍縣都合居九十六同八百六十四萬夫之地。城郭宮室差少。涂巷又狹。于三分所去六而存一焉。以十八分之十三率之。則其餘六百二十四萬夫之地。通上中下六家。而受十三夫。定受田二百八十八萬家也。其在甸十萬五千家。為六遂。餘則公邑。○場直良反。賈音古。註同。置居良反。吏為于。偽反。菰力果反。用長丁丈反。後皆同。監古銜反。麗音鹿。涂音徒。去起呂反。下同。率音律。又音類。

凡任地國宅無征園廩二十而一。近郊十一。遠郊二十而一。甸稍縣都皆無過十二。唯其漆林之征二十而五。

征稅也。言征者以共國政也。鄭司農云。任地謂任土地以起稅賦也。國宅城中宅也。無征無稅也。故書漆林為漆林。杜子春云。當為漆林。玄謂國宅凡官所有宮室。吏所治者也。國稅輕近而重遠。近者多役也。園廩亦輕之。者廩無穀園少利也。古之宅必樹而置場有瓜。○漆本又作漆。

凡宅不毛者有里布。凡田不耕者出屋粟。凡民無職事者出夫家之征。

鄭司農云。宅不毛者謂不樹桑麻也。里布者布參印書廣二寸長二尺。以為幣。貿易物。詩云。抱布貿絲。抱此布也。或曰。布泉也。春秋傳曰。買之百兩。一布又廩人職。掌斂市之次布。儻布。質布。罰布。廩布。孟子曰。廩無夫里之布。則天下之民皆說而願為其

民矣故曰宅不毛者有里布民無職事出夫家之征欲命宅樹桑麻民就四業則無稅賦以勸之也故孟子曰五畝之宅樹之以桑則五十者可以衣帛不知言布參印書者何見舊時說也玄謂宅不毛者罰以一里二十五家之息空田者罰以三家之稅粟以其吉凶二服及喪器也民雖有間無職事者猶出夫稅家稅也夫稅者百畝之稅家稅者出土徒車輦給繇役○儻音讒說音悅令力呈反衣於既反間音閑

以時徵其賦

閭師掌國中及四郊之人民六畜之數以任其力以待其政令以時徵其賦

國中及四郊是所主數六鄉之中自廛里至遠郊也掌六畜數者農事之本也賦謂九賦及九貢

凡任民任農以耕事貢九穀任圃以樹事貢草木任工以飭材事

貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物

貢草木謂葵韭果蓏之屬○畜許六反

凡無職者出夫布

獨言無職者掌其九賦

凡庶民不畜者祭無牲不耕者祭無盛不樹者無椁不蠶者不帛不績者不衰

掌罰其家事也盛黍稷也椁周棺也不帛不得衣帛也不衰喪不得衣衰也皆所以恥不勉○衰七回反

縣師掌邦國都鄙稍甸郊里之地域而辨其夫家人民田萊之數

及其六畜車輦之稽三年大比則以攷羣吏而以詔廢置

郊里郊所居也自邦國以及四郊之內是所主數周天下也
萊休不耕者郊內謂之易郊外謂之萊善言近○此毗志反

若將有軍旅會同田役之戒則受灋于司馬以作其衆庶及馬牛

車輦會其車人之卒伍使皆備旗鼓兵器以帥而至

受灋於司馬者
知所當徵衆寡

凡造都邑量其地辨其物而制其域

物謂地所有也名山大
澤不以封○量音良

以歲時徵野之賦貢

野謂甸稍縣都也所
徵賦貢與閭師同

遺人掌邦之委積以待施惠鄉里之委積以恤民之難阨門關之
委積以養老孤郊里之委積以待賓客野鄙之委積以待羈旅縣
都之委積以待凶荒

委積者廩人舍人計九穀之數足國用以其餘共之所謂餘其
用也職內邦之移用亦如此也皆以餘財共之少曰委多曰積
鄉里鄉所居也難阨猶困之也門關以養老孤人所出入易以
取餼廩也羈旅過行寄止者待凶荒謂邦國所當通給者也故
書難阨作摧阨羈作寄杜子春云摧阨當為難阨寄當為
羈○遣唯季反施惠式鼓反易以鼓反摧音難又音謹

凡賓客會同師役掌其道路之委積凡國野之道十里有廬廬有
飲食三十里有宿宿有路室路室有委五十里有市市有候館候
館有積

廬若今野侯徒有房也宿可止宿若今亭有室矣候館樓可以觀望者也一市之間有三廬一宿○房音雅

凡委積之事巡而比之以時頒之

廬若今野侯徒有房也宿可止宿若今亭有室矣候館樓可以觀望者也一市之間有三廬一宿○房音雅

周禮卷十三

終

廬若今野侯徒有房也宿可止宿若今亭有室矣候館樓可以觀望者也一市之間有三廬一宿○房音雅

